

錦官內

關

小

爵衣

志

附

內

關

故事

志

志







錦衣志

王世貞撰

叢書集成初編

(補印本)

錦衣志及其其他二種

一九三九年十二月初版
一九六〇年一月補印

商務印書館出版

上海市印刷六廠印刷

紀錄彙編卷之一百九十五

錦衣志

王世貞

客有徵錦衣事者不能詳余以所聞荅之退而詮其語曰錦衣志

高皇帝初卽位置司曰儀鸞掌侍衛法駕鹵簿使冠文冠十五年罷置司改設錦衣衛指揮使一人秩三品同知二人從三品僉事三人四品鎮撫二人五品所千戶五品副千戶從五品百戶六品鎮撫七品冠武冠所統曰將軍力士校尉凡上大朝賀

宴群臣指揮自使而下得刃介侍左右廷列其從
校五百人夜則殺十之九入圍宿候指使京師衛
四十八獨錦衣金吾龍驤虎賁等凡八衛毋隸大
都府稱親軍云而 上時時有所誅殺或下鎮撫
司雜治取詔行得毋徑法曹其祿秩名號無以越
異諸軍也乃勢則奕奕不啻過之二十年治錦衣
事者失其名頗恣而舞文有所操舍上知其狀執
退之悉火其榜掠具又六年詔內外獄毋得上錦
衣衛諸大小咸徑法曹終高皇帝世錦衣衛不復
與典獄稍稍夷它軍矣而燕王初起帥師蕩山東

度臨邑臨邑書生紀綱叩馬首請效王與語悅之
綱善騎射頗諳法家言便辟應對刻精詭秘耐逆
鉤人意所嚮先發以爲績王日益幸愛之既即位
擢綱自忠義衛千戶爲都指揮僉事治錦衣親兵
復典治詔獄 天子既繇藩國起以師脅惜大位
內不能毋自疑人人異心有所寄耳目矣綱覘之
益布其私距日夜操切陰計聞 上上大爲忠暱
之聲咳亡間卽淇成諸公號元勛見則自匿引不
敢以身比數而綱小人也遂驕窮意爲非行僚屬
指揮莊敬袁江千戶王謙李春等故無賴曲侍奉

綱相緣借奸利數百千端上久亦頗悟跡之中貴
素仇綱者白發其端上令給事御史廷劾下御史
院按驗俱有狀上大怒即日捕誅綱殲於市仍夷
三族而令御史院罪狀綱其略曰謹按故都指揮
綱儼薄駟儉陰歛陽卻攜松蠶尾包藏虺心積稔
惡揭未易指數按綱前後使腹心幹僞爲詔下諸
司塩場勒塩四百餘萬還復稱詔奪官舶二十艘
牛車四百輛載入私第弗予僦人牛立稿又卽獄
喝持大賈數十百家索賂不等爲黃金三百五
十兩白金二千兩鈔四十五萬貫帛千五百疋又

挾詐取交阯使黃金八十兩金盆一異寶二十枚
奪民人倪貴等第舍莊宅十七所計直金三十餘
萬匿縣官子民地八所直二十餘萬從籍故晉王
乾沒黃金五百兩金盆一寶釧二白金鞍轡二又
從籍故吳王沒瑟瑟御龍服王冠還輶衣故王冠
服坐高坐置酒命優童真保道真吉祥等效伎樂
奉觴上壽呼萬歲徐勞卿等無恙敬舉卿之觴綱
諸所用金裝八寶環八寶帽飾玉盞玉水池硯珊
瑚犀毗玉束帶紅輔牀玉石馬几咸飾交龍日月
星斗度如乘輿副又上所怒內侍右班當下綱論

棄市者輒將至家具洗沐好食食之陽爲言見上
赦若誘取金帛且盡更數日將至市煞之而先日
以行刑報常喜道姑陳氏安首欲買置媵爲都督
薛祿所先怨之遇於大內持釵釵祿首腦裂幾死
祿懾噤不敢言又道惠都指揮啞失帖木不避誣
持其冒賞事捶之死綱家蓄養亡命耗山劉等多
造鐵甲弓弩萬計衛取良家子十八以下數百人
充左右役詔選婕好才人既試可令暫出待歲綱
輒簿錄其尤者內之別以次塞莫敢問吳人故大
豪沈萬三子文度萬三生嘗伏法 高皇帝籍沒

其家所漏貨尚富而文度頗爲人把持其短患之
因綱舍人蒲伏見白進黃金百兩白金千兩龍文
被一牀龍角一株奇寶十具異繒綺四十疋願得
從贄御列爲外府外廐歲致粢六百石鈔二十萬
貫醞百石布帛以時進食餌羞果以月進綱許之
仍語文度吾後庭未克若爲我吳中徵好者不爲
數文度因是挾綱什五而分民間室亡誰何者綱
自唯威日重重且迫上冀得所欲當端午上射柳
綱私其司射鎮撫龐瑛曰我故射不中而子析柳
鼓噪以觀兵部尚書御史既射綱謬爲不中瑛折

柳鼓噪竟射無紉者綱乃喜吃曰是無能難我矣
按綱爲天子腹心臣負委任妄意不軌擢綱髮不
足數罪罪誠當萬死其僚指揮敬江千戶譏春鎮
撫瑛比周爲誣罔當死并諸應從坐人以輕重受
條詔曰可頒示天下自紀綱誅終文皇帝世錦末
衛雖典詔獄畫可領諾而已氣燄中消不復能望
綱矣宣宗朝初理衛事者指揮使王節上嘗燕見
太師 英國公張輔從容言公有昆季在可加恩
乎太師頷首言主臣輒若輒者蒙上大恩以臣故
備近侍祿二千石然奢內好酒獨從弟兵部左侍

卽信賢可使也上召見信曰是英公弟耶趣武冠
冠之遷錦衣指揮使子世襲信爲人索廉於詔獄
頗任云未幾出爲四川都指揮使信以部臣遷於
職爲左頗不懌然自是諸后妃尚主公侯中貴人
子弟當授官者皆寄祿錦衣以才譖選遞進治事
鮮世業矣英宗初理衛事者指揮僉事劉勉指揮
使徐恭咸文無害上年少中貴人用事者王振張
甚弟山海俱緣振官指揮治錦衣事貴顯矣然俱
盛年擁璫重淫色而湛飲多鬪鷄擊鞠狗馬之好
不事事頗推繇馬順馬順者亦指揮也以義子事

王振見必膝行邊際戚施振甚暱嬖之國子祭酒
李時勉有所忤振陰令順行其伐廟木事蒙三木
廟門久之始釋有雷震奉天殿鴟吻翰林侍讀劉
球應詔上封事語多侵振振大怒而會編脩董璘
言太常用道流不稱請自爲卿共祀忤上下獄順
榜笞璘使引球爲具藁草卽朝班中粹之出球不
知所坐歎第曰若使振死我死卽訴上帝耳竟與
董璘益死獄家人行求屍順故糜之弗得也而順
有子年二十餘病屏父因矣歛起持順髮拳且蹴
之曰死老奴令而異日禍隄我我劉球也順再拜

謝罪不可俄而子死中貴人振以上北伐虜也先
陷土木敗聞時邸王監國朝群臣伏闕泣請籍振
家併誅振弟指揮山海未報衆忿闕無所泄而馬
順前謂衆姑已胥後命給事中王竑直前提梓順
曰是非奸人黨耶衆趣前擊殺順瀆吏血肉塗起
不可辨矣王恐乃下令誅山海藉中貴人振家因
併藉順蓄藏金珎無筭於是理錦衣事者指揮畢
旺碌碌循職而已而英宗之在虜營也校尉袁彬
始得見袁彬者少以材力射生選從刺姦緹騎既
從征沒虜麾下牧馬矣久之乃使侍上上方坐橐

馳帳中咄咄無所出得彬甚喜彬溫多計數善言
咲時時爲隱語悅上獲一羊髀烹而共啖之晝斧
薪伐冰夜則以背承上足而寢虜挾上攻雲中轉
戰上谷遂躡關而下趨京師小不遂輒欲殺彬上
至爲泣請之不得而哈銘者故夷種官爲賜姓揚
以譯鞬從陷虜頗幸也先間以詖譖解之僅免也
先欲使妹尚上上謀之彬曰不可請辭以返國而
聘彬嘗病中寒上親爲治糜啖之身壓彬背汗洽
良已及暮上還稱太上皇絀彬勞僅拜錦衣百戶
太上皇還爲皇帝即日召見彬語絮且泣超爲都

指揮僉事理錦衣事賜城東甲第一區引太液池
穿中御溝達之黃金十鎰白金二十鎰綵綺塩醪
醜醬乾饈克實又加賚妻異繒精鏐各有差擢楊
銘千戶賜半之間夕宴對畧用家人禮然彬畏蒲
好避而同列門達逮杲顯達初以錦衣校用文無
害理鎮撫司積功次稍遷至指揮而其所任校逮
杲繼起與同列上故緣中貴人吉祥及忠國公石
亨復大位德之而二人驕干請不已上心厭之欲
稍稍削其重以屬彬固謝不敢乃屬杲杲數伺忠
國公罪狀聞上併其從子定遠侯彪誅之上益貴

重杲理篆者都指揮王某取充位而已杲遂持吉祥陰擬之急乃與其從子昭武伯欽謀以五鼓從騎就謁杲出見之欽拔刀手斷杲頭攻長安門不下尋就擒詔族吉祥贈杲右都督彬請急不任而門達獨重佐理衛得兼治鎮撫司鎮撫於錦衣屬也而得專治獄或上有所怒特下與緹騎賊曹鈞發者俱以委鎮撫獄竟自上請可否毋由錦衣大僚達爲人沈敏善計策所讞恒規上旨而決時上業已誅曹石內喘不自安恒借達爲疆而達彘所陰獻累遷都指揮僉事治鎮撫如故時上最所禮

信者李賢達次之每朝而左顧則命賢右顧則命
達賞賚無筭而達內害賢寵譖於上曰是嘗受陸
瑜金酌尚書者上疑之不召可半歲而袁彬猶以
義故位達上達知上薄之構以死罪劾奏上不樂
曰是負我者然故人不死足矣此外以任若達退
則執彬下獄脇以火五毒更下彬不勝苦且誣伏
矣而燕中少年楊賢者嘗爲漆工尚方奮曰袁公
上魚服侶也門達何人而輒害之因上疏詆達姦
惡數十百事事有指而極稱彬枉且有社稷功不
宜罪詔併下達治達恚極賢至百餘賢恐遂死不

得白謬曰吾有陰事欲告公達令獲與前前廼夔耳達曰吾小人何辨爲此李學士草耳達大喜趣罷筭出湯沐沐賢醪肉食之持牘面訴曰李賢令楊賢中臣爲袁彬地獨不畏陛下法乎上曰明於東朝堂辨之之東朝堂楊賢度上已集群臣出餘肉大呼曰天平究哉門指揮醪肉食我而令引李也李學士貴人吾何從見之且吾死固分柰何究他人爲也上悟趣出袁彬令分司南都餘俱置不問然自是達寵漸衰不復寄腹矣居一載驛召袁彬還職寄如故上崩李賢益重達內不自安出怨

望詔御史言之詔執赴法司論戍嶺表濱行衣彬
帥僚出餞郊野握手語繾綣已揮囊金爲解裝良
厚衆咸多彬不念惡有古長者風彬再遷掌衛事
至都督僉事乃卒楊銘亦仕至都指揮代彬者都
指揮同知牛循中貴人王猶子也亡何免代循者
都指揮使朱驥驥始以父任百戶家貧未娶落魄
不爲人所知嘗給事少保于謙門下晨偃而候掃
少保出見竒其貌謂之曰家有弱息以奉箕箒可
乎驥異謝不敢夫人恚曰老諄生女不嫁官人乃
得窮軍耶少保咲謂非兒女子所知卒以歸驥後

用少保勞至指揮僉事少保死坐累戍邊還累遷都指揮使治錦衣者二十餘年貴矣前是錦衣帥理篆者一人所統緹騎百人顯司察京邑不軌亡命盜奸梟密大事巡捕一人統緹騎倍之職專賊曹號東西司房其騎多大俠或賈人子取顯位者比比也而天下猶以外臣故意之別置東廠中貴人重者始出領廠事八十人人取捷悍利牙爪者其鉤察出人帷簿間錦衣二千戶理其牘而中貴人得持牘徑至上御所稍稍出衛上矣憲朝上幸太監汪直欲尊寵之別爲置西廠所領緹騎倍東

廠而選得糾察中外文武大小及民間事嘗入郎署繼掠郎至死檀乘傳凌漕河入陪京而縛留守大臣海內脇惕握手亡論東廠詎錦衣久之始罷西廠不設孝宗皇帝仁聖委法秋官御史臺廷尉嘗曰與我共天下者三公九卿也以故緹騎逆自歛不敢有所爲而其師如季成李珍趙鑑亦後先遂廵守祿俸而已獨牟斌以指揮領鎮撫有聲斌字益之博學曉文義爲儒衣冠其所理恒傳經而法戶部郎李夢陽嘗奏封事言壽寧侯忤旨下獄斌曰郎封事大善郎言壽寧胡不指其實及諸羽

翼耶夢陽曰慮置對耳斌曰置對則奚難吾能剪厥羽翼也因傳輕牘具土夢陽得不貶正德初劉瑾持中權逐大學士律遷而削尚書韓文等籍而諫臣劉滂戴銑等數十人後下詔獄斌輕刑莫居曲爲申救御史任諾愬諸僚草奏署其名已寔它出不與也斌曰古有耻不與黨人名者公爲忠悔耶劉瑾復要斌去奏首樞奸事斌不可而顧語同列曰存此諸公臣節庶免白他日乎宋鄒道原以失元奏祓害吾儕何自計爲奏入瑾大怒望斌又偵知其庇言官也矯詔廷杖之垂死謫戍邊劉瑾

誅驛召斌還領鎮撫如故知府劉祥搏其守關因
相論奏中貴人張雄者納守關賂陰喝彬令歸曲
祥仍爲關導賂斌不可雄恚挾詐陷之安置武昌
感疾卒斌之再起也長子喪工部循故事官爲賻
三百金斌指其存者二子曰吾司刑不道天禍一
子懲而受金行及此矣蓋庫屋敝衣再遭譴怡怡
若素云相臺崔銑記其事盛稱服斌謂直節懿行
卽名經術士大夫蔑如也如劉瑾用事時諸中貴
人相與盡說上復建西廠使谷大用領之而馬未
成丘聚分領東廠皂衣團牌縱橫燕中人人不聊

生矣而瑾復用其私人張文義爲錦衣都指揮使與吏部尚書綵表裏作威福時稱瑾左右翼云然文義時時以掌傳瑾命侍應對不治錦衣治錦衣者都指揮高得林也文義尋從瑾伏誅高得林罷都指揮劉璋代璋罷亡何錢寧貴治衛事錢寧者不知何氏少孤鬻中貢人錢能家爲養子遂冒錢寧生而警敏巧媚異常兒能頗嬖之時填滇携以徃俾主侍應賓客而滇守備盧洪者出入能門下頗見異其相因大贈遺金帛曰苟富貴無相忘寧跪謝曰君侯幸厚奴旣爾何愧之也洪曰不也若

不見衛將軍者侯平寧日以重錢氏而會中貴人
能死推恩家人寧得受錦衣百戶上時從諸中貴
人微服縱射游獵自稱朱壽若張公子事者寧始
緣馬未成見上於豹房握槊走馬手搏諸戲上大
悅絕愛幸之賜國姓命爲義子俄進指揮使領衛
事諸詔獄緹騎刺姦悉隸屬焉凡所從幸南海西
苑網魚兔射狐豕手猛獸出上谷西之雲中穿塞
直抵延綏徑虜庭而後歸寧又進錢未安亦賜姓
官至右都督寧遷爲左都督使事如故遂大煽歛
威澤所願指諸司毋不惴惴承奉恐後而或意間

向背者輒取中旨行之而盧洪亦用寧力進參將
填金齒嘗故勘殺平人二燬其屍及奪民居財產
萬計事發寧以屬御史唐龍龍不承抵和罪寧憾
之甚未有以中也寧故繇中貴人進乎中貴人則
易之寧見陽爲恭謹叩頭稱死罪上嘗怒中貴人
張永欲殺之皇太后爲請不能得賓客居間屬寧
寧曰吾力能得之願諸公居一何魚肉我耳乃宛
轉爲上解永果免中貴人則改事事寧矣而諸省
總鎮監鎗督撫紹璫大臣請事者以萬金爲薄擲
弗顧然寧所進江彬許泰神周者俱有寵寧獨能

以謹身和柔媚上而已耳不能如彬等武幹彬又
日夜譖傾寧居無何寧王宸濠反誅事連寧下朝
堂按問具伏獄上其略曰故左都督寧寅緣中人
托號義子濁亂國姓玷污天秩諸所願使同於山
嶽及非受上云何詐稱得請或口授王綸或手寫
御筆前後傳奉大小職官脇取方鎮郡邑文武金
寶瑰異直巨百萬其姻族未安子傑等貫魚驟進
翼虎自肥咸辱國姓至都督都指揮等官故寧庶
人宸濠以復護衛請行萬金盜爲下兵部允之倒
授阿銛故滋叛柄又以按察副使胡世寧條列庶

人不法狀庶人恐復行五千金寧捕世寧下獄煉
質萬方遞戍遼左上未有太子庶人有子自以踈
且非次不當立欲伺上問內入東宮復行五萬金
寧陰爲契約假以進香取畱報庶人金玉帶各二
關裝七寶帶一竒繒綵十爲御書加璽詭言上賜
庶人大喜列牙受賀令其國僚衣紅四十餘日庶
人前後問謝行金約十餘萬會御史蕭儀發其反
謀將置獄使者就按石室霄畫寧信旦馳報令先
發制人已從中起大事易就庶人反今連寧寧有
危社稷之心罪惡萬狀宜據法殛裂夷三族亡少

長皆誅死詔曰可藉其家黃金可萬斤白金三十萬斤白玉帶二千五百束獅蠻帶二束祖珣珠佛像二尊胡椒千五百石他竒珪弓弩器甲名畫稱是斥賣園宅直三十萬萬計增益縣官二歲賦錢永安等皆從坐誅寧爲人狡陽敬禮士大夫樂施予雖誅人頗有稱惜之者上既誅寧因悉誅彬等而大學士楊廷和等合策輔政詔下單傳奉遷者錦衣自指揮下汰十之八復汰旗校十之五歲省度支錢數千萬一時翕然稱神明云其所留舊臣治錦衣事者都指揮駱安等與興國從起相半而

大禮議起聶能遷爲指揮僉事能遷者清平人素
險滑亡賴多計數武宗末冒功累官錦衣千戶後
亦在汰中上時下郡臣議崇獻皇帝未決主事張
璉桂萼言上寶獻皇子何以考孝宗宜考獻皇帝
上心動而大臣楊廷和等持不可能遷故善中貴
人崔文有所窺見璉稱璉萼議是當聽上前以逐
二三大臣而召璉萼等議矣禮成能遷亦得擢指
揮領鎮撫事而會上脩明倫大典欲盡列其疏不
得怨望璉言臣爲上推孝思明典制功甚大爲奸
臣張璉桂萼所忌絀弗錄卽二臣非臣弗勝也而

獨進師傳備阿衡之寄臣區區一戎衛賈人子拾級可便得耳且詹事黃綰私新建伯王守仁爲行賂璉以萬計許大用守仁請悉賜罷上怒下御史院雜治能遷語誣妄獄上杖之百戍嶺南尋至庾死天下快之未幾王佐爲都指揮使領衛事佐試武舉第一授錦衣千戶累遷督漕峯將佐爲人謹愿有志介閑射便騎以刀筆吏能稱也然時時援古義昭聖皇太后弟昌國公鶴齡建昌侯延齡貴盛久驕恣無狀吏不能長持明法警之上以春朝慈慶不爲禮街鶴齡等未發而建昌侯坐故殺爲

御史論抵罪繫待決市人劉東山者素陰毒利口
逆上意與其僂僞爲疏草恫喝鶴齡得且萬金矣
鶴齡不勝賂拒之乃誣鶴齡兄弟毒魔呪咀上盜
內藏金寶通慈慶侍人至相與爲巫蠱以急變聞
上大怒下鶴齡等詔獄置對東山等因得以株引
素所不快人定國京山諸公侯俱坐累繫三法大
臣色奪不敢訊佐謬爲厚東山者次第探得其情
論誣罔法反坐報可佐以三木囊東山等闕門外
昂之不及旬悉死是舉也中外以佐安慈慶曲成
上孝稱社稷臣云而佐竟以憂思過度得疾死詔

特贈二階爲左都督代佐者陸松故從上興國衛士也頗謹信識大體於上怒時有所解釋以都督僉事卒有子炳代松者陳寅寅亦興國衛士也其人大抵顛松然謹身自殖耳不能有所上下於世寡稱焉嘗受命監南北郊壇工累遷後軍左都督以老疾乞休賜璽書褒諭安車駟馬就第禁衛之得請自寅始也贈太子太保代寅者陸炳炳少以力幹稱強敏通書數嘗一登武舉遂自指揮數遷爲左都督或云炳嘗從上幸承天行宮火炳以宿衛排官門負上出於燭上心德之不欲顯其狀故

炳事無傳者其官獨驟貴異他人莫測也炳既歿起代父執衛政其同列皆父黨炳陽爲敬事之而徐以計去其易已者又能得閣臣心以故日益重嘗種殺兵馬指揮爲御史所繩詔弗問大學士言故愛暱炳炳亦事之謹甚而亡何御史糾炳亂離政擅榜禁小錢諸不法狀言欲從中下捕治炳行三千金解救不得長跪泣謝罪乃已炳楚士大學士言刺骨而會言與其同列嵩爭寵不勝免炳合謀嵩發言所與邊帥閔節書上怒爲誅言大學士嵩更得炳且竒之引與共籌策矣炳所選用衛士

緹騎皆長安中大豪善把持長短者多布耳目所
睚眦無不立碎然其屬小犯法即置之死而炳方
得幸上言無不從夕趨走麾下唯諾者晨拔寘同
列故其下甚畏炳而慕趨之恐後咸寧侯仇鸞以
大同帥入援總天下兵權勢張甚無所不狎侮視
大學士嵩蔑如也而獨意憚炳炳亦曲奉之不敢
與鈞禮而出重金帛結其所親愛探得鸞陰私鸞
病死炳即行其謀反狀族之累加太保兼太子太
傅中貴人馬廣領東廠者也李彬司樞密者也其
人咸耆宿握重自恣炳前後刺其罪下獄死京中

外惴惴重足不寒而慄凡豪貲滿萬以下少酒食過輒收而藉之亡遺者然浮慕義名居之又好爲敬禮士大夫士大夫郎上所甚恨下詔獄廷杖緩之不令死以俟上怒解卽貶戍出金錢治道里飲食費不惜也炳旣貴驟得薦紳間聲而又善上所親近者中貴人司禮錦元相嵩咸與炳結婚姻盤據相重矣上彌益幸之召入侍西苑直供奉青詞加兼少傅食伯爵奉炳又益遊緹騎驍勇者七千人別置裨將領之而其所召募畿輔秦晉齊魯間駢脇超乘騎射之士以千計衛之人鮮衣怒馬而

仰度支者凡十五六萬人大司馬持其藉仰屋歎而已元相嵩既已縱其子攬文武選權而炳從中調停各曹事亡所不關白方鎮督撫大臣非交故而錢通者以八九給事御史自跪門下者亦十之三四炳所蓄金珪竒異以巨萬計甲第膏腴擅燕中而其歲出饋遺宰相中貴人亦以萬計時又有朱希孝者領巡捕希孝成國公希忠介弟也用兄任數遷至左都督加太保希孝寬然長者不耻爲屈得元相驩然炳既以勢望迫其於元相外相倚而已不能如希孝還往無間也然希孝事炳卑下

多避炳以故無意害之嗚呼錦衣一禁校耳其領
宿衛則光祿勳也刺姦則司隸也至炳而分將相
任極矣一重於紀綱再重於錢帛三重於陸炳其
究乃位師保衆綸綍不亦殆哉炳所與共事者都
督高恕麥祥黃浦此皆中貴人子弟飾輿服肥酒
食官室苑囿聲色以娛其身如是耳此乃炳所羞
接席者何足道哉



官 爵 志

徐 石 麒 輯

本館據學海類編
本排印初編各叢
書僅有此本

官爵志卷之一

明 嘉興徐石麒虞求輯

封建

尚書疏曰黃帝分州畫野得百里之國萬區唐虞列爲五等此封建之始也禮制文嘉曰殷爵三等周五等或謂黃帝立五等也

品秩

自太昊以龍紀官唐虞建官惟百未分品秩周官以九牧平邦國自一命至九命漢自中二千石至二百石魏陳羣立九品官人之法北齊九品各分正從國朝正一品太師太傅太保從一品少師少傅少保太子太師太傅太保正二品太子少師少傅少保正三品太子賓客不專授但爲大臣加官兼官及贈官其餘官品俱見內外官職中

入流

通典曰隋制九品自太師始焉謂之流內國朝正從一品至九品謂之入流卽流內也

未入流

通典曰唐有流外勳品自諸錄事及五省內史始焉國朝九品之外雜職官員謂之未入流卽流外也

本館據學海類編
本排印初編各叢
書僅有此本

官爵志卷之一

明 嘉興徐石麒虞求輯

封建

尚書疏曰黃帝分州畫野得百里之國萬區唐虞列爲五等此封建之始也禮制文嘉曰殷爵三等周五等或謂黃帝立五等也

品秩

自太昊以龍紀官唐虞建官惟百未分品秩周官以九牧平邦國自一命至九命漢自中二千石至二百石魏陳羣立九品官人之法北齊九品各分正從國朝正一品太師太傅太保從一品少師少傅少保太子太師太傅太保正二品太子少師少傅少保正三品太子賓客不專授但爲大臣加官兼官及贈官其餘官品俱見內外官職中

入流

通典曰隋制九品自太師始焉謂之流內國朝正從一品至九品謂之入流卽流內也

未入流

通典曰唐有流外勳品自諸錄事及五省內史始焉國朝九品之外雜職官員謂之未入流卽流外也

文散官

漢諸侯有功德優盛。朝廷所敬異者。賜位特進三公下。隋文帝以爲散官。今正一品初授特進榮祿大夫。陸授特進光祿大夫。漢有光祿大夫。今從一品初授榮祿大夫。陸授光祿大夫。正二品初授資善大夫。陸授資政大夫。加授資德大夫。宋太宗改通議爲通奉。今從二品初授中奉大夫。陸授通奉大夫。加授正奉大夫。隋散官有通議。正議大夫。今正三品初授嘉議大夫。陸授通議大夫。加授正議大夫。秦有中大夫。大中大夫。今從三品初授亞中大夫。陸授中大夫。加授大中大夫。正四品初授中順大夫。陸授中憲大夫。加授中議大夫。隋散官有朝議。朝請。今從四品初授朝列大夫。陸授朝議大夫。加授朝請大夫。唐有奉議郎。今正五品初授奉議大夫。陸授奉政大夫。從五品初授奉訓大夫。陸授奉直大夫。正六品初授承直郎。陸授承德郎。隋有承務郎。宣德郎。今從六品初授承務郎。陸授儒林郎。吏才幹出身曰宣德郎。唐有宣義郎。宋有承事郎。今正七品初授承事郎。陸授儒出身文林郎。吏才幹出身宣義郎。隋有徵仕郎。今從七品初授從仕郎。陸授徵仕郎。正八品初授迪功郎。陸授修職郎。從八品初授迪功佐郎。陸授修職佐郎。正九品初授將仕郎。陸授登仕郎。從九品初授將仕佐郎。陸授登仕佐郎。初授散官。俱於三年之後。照例陸授。其加贈。考驗本人。生前功績合得加授者。照例給與。

武散官

周禮。天子六軍。軍萬二千五百人。其將皆命卿。蓋在國稱大夫。在軍稱將軍。自晉獻公作三軍。而公將上

軍故有將軍之名。今爲散官。正從一品同文官。正二品初授驃騎將軍。陸授金吾將軍。加授龍虎將軍。從二品初授鎮國將軍。陸授定國將軍。加授奉國將軍。正三品初授昭勇將軍。陸授昭毅將軍。加授昭武將軍。從三品初授懷遠將軍。陸授定遠將軍。加授安遠將軍。正四品初授明威將軍。陸授宣威將軍。加授廣威將軍。從四品初授宣武將軍。陸授顯武將軍。加授信武將軍。正五品初授武德將軍。陸授武節將軍。從五品初授武略將軍。陸授武毅將軍。正六品初授昭信校尉。陸授承信校尉。從六品初授忠顯校尉。陸授忠武校尉。

文勳

周禮。王功曰勳。齊梁始有勳品。本酬戰士。其後漸及朝流。楚魏官有上柱國。唐以爲勳官。今正一品左右柱國。從一品柱國。正二品正治上卿。從二品正治卿。正三品資治尹。從三品資治少尹。正四品贊治尹。從四品贊治少尹。正五品修正庶尹。從五品協正庶尹。凡文官一品至五品。應合授勳者。照依散官定議。奏聞給授。

武勳

後魏有柱國大將軍。今正從一品同文勳。秦有護軍都尉。唐改上大將軍爲上護軍。大將軍爲護軍。今正二品上護軍。從二品護軍。漢武帝置輕車將軍。唐置上輕車都尉及輕車都尉。今正三品上輕車都尉。從三品輕車都尉。漢武帝置騎都尉。唐置上騎都尉。今正四品上騎都尉。從四品騎都尉。隋置文散官爲職

飛雲武四騎尉。今正五品驍騎尉。從五品飛騎尉。正六品雲騎尉。從六品武驍尉。凡武官一品至六品。應合授勳者。照依散官定擬。奏聞給授。

封贈

武王克商。追王太王王季。故後代有追諡追尊之典。兩漢逮今。人臣亦有追贈之制。漢宣帝思張賀掖庭收養。封恩德侯。此追封之始也。國朝凡文官一品贈三代。二品三品二代。四品至七品一代。各照見授職事。依例封贈。土官無封贈。父祖例止給本人。誥敕一品玉軸。四軸。二品犀軸。三品抹金軸。俱三軸。四品抹金軸。五六七品俱角軸。五品已上授誥。織用五色紵絲。其前織文曰奉天誥命。用誥命之寶。六七品授敕。織用純白綾。其前織文曰奉天敕命。用敕命之寶。俱用升降龍文。左右盤繞。正從一品。曾祖母。祖母。母。妻。各封贈一品夫人。正從二品。祖母。母。妻。各封贈夫人。正從三品。各封贈淑人。正從四品。母。妻。各封贈恭人。正從五品。宜人。正從六品。安人。正從七品。孺人。曾祖母。母。加太字。按漢崔篆母師氏。通經學。百家言。王莽寵以殊禮。賜號義成夫人。如淳云。列侯子復爲列侯。母稱太夫人。蓋漢制也。

宗室祿米

親王。唐制。歲該米四千八百石。絹四千八百匹。緜四百五十斤。宋制。領節度使。歲該穀二千四百石。錢四千八百貫。絹二百匹。綾一百匹。羅十四。緜五百兩。今定米一萬石。郡王。唐制。歲該米七百石。田六十頃。宋制。領觀察使。歲該米一千二百石。錢二千四百貫。絹二十四。緜五十兩。今定米二千石。鎮國將軍。唐制。歲

該米六百石。田五十頃。宋制郡王子以下量材授官。照官品高下給祿。今定米一千石。輔國將軍。唐制歲該米五百石。田四十頃。今定米八百石。奉國將軍。唐制歲該米四百石。田二十五頃。今定米六百石。鎮國中尉。唐制歲該米三百石。田十四頃。今定米四百石。輔國中尉。唐制歲該米三百石。田八頃。今定米三百石。奉國中尉。唐制歲該米一百石。今定米二百石。公主及駙馬。食祿二千石。郡主及儀賓。食祿八百石。縣主及儀賓。食祿六百石。郡君及儀賓。食祿米四百石。縣君及儀賓。食祿米二百石。俱米鈔兼支。

公侯伯俸給

漢艾亡秦。大侯不過萬家。小者五六百戶。則封國以戶也。唐封公侯無國土。其加實封者。則食其所封之戶。分食諸郡。以租庸調給。洪武初。給官田。量原定糧租分數收取。後令公侯伯皆給祿米。論功定數。舊賜田還官。永樂二年。令照文武官例。米鈔兼支。

文武官俸給

唐貞元四年。定百官月俸。僖昭之亂。國用空闕。天祐中。止給其半。後唐孔謙以軍儲不充。請減半數。而支實錢。宋定非兼職。皆一分實錢二分折支。大明定文武官俸。正一品月支米八十七石。從一品月支米七十四石。正二品月支米六十一石。從二品月支米四十八石。正三品月支米三十五石。從三品月支米二十六石。正四品月支米二十四石。從四品月支米二十一石。正五品月支米十六石。從五品月支米十四石。正六品月支米十石。從六品月支米八石。正七品月支米七石五斗。從七品月支米七石。正八品月支

米六石五斗。從八品月支米六石。正九品月支米五石五斗。從九品月支米五石。俱米鈔兼支。未入流月支米三石。

吏員俸米

筆譚曰：天下吏人素無常祿，惟以受贖爲生。熙甯三年始制天下吏祿，而設重法以絕請託。國朝五府提控、六部都察院都吏、布政司通吏、月支二石五斗，五府掾吏、六部都察院通政司、太常、光祿、太僕寺、應天、順天府、布政司、都司、衛各令史、大理寺胥吏、國子監、鴻臚寺、府庫局、司牧局、顏料局、各府各司吏、都察院、太醫院、各典吏、按察司、鹽運司各書吏、月支二石五斗，六部、大理、光祿、太僕寺、國子監、應天、順天府、布政、按察、鹽運、都司、衛各典吏、十三道巡按各書吏、翰林院、光祿寺各署、欽天監、司歷、太常、祠祭、署、織染、皮作、鑄印、惠民、雜造、窰轡、軍器、抄紙、印鈔、寶源局、內府庫、石灰關、各牧監、會同館、寶鈔、鹽課、龍江、提舉司、典牧、營膳、孳牧、孳牲、紀善、典膳、奉祀、典寶、審理、工正、良醫、典儀、理問、千戶所、五城兵馬、布政、按察、鹽運、斷事、衛、鎮撫、長史司、州縣各司吏、月支一石，俱米鈔兼支。

磨鈔

書皋陶稱舜曰：賞延于世，則磨鈔自有虞氏始也。漢二千石以上，視事滿三歲，得任同產若子一人爲郎。國初因前代任子之制，文武一品至七品，皆磨子一人，以世其祿。成化三年奏准，在京一品以上官，聽令一人送國子監讀書，出若大臣果有勳勞於國，出自特恩，錄用子孫者，不在此限。

鬻官

沿革曰鬻爵賣官三代無有起於秦漢之權利通典曰漢文帝納晁錯言令人入粟六百石爵上造萬二千石爲大庶長漢武帝國用空竭募人入奴婢終身以爲郎靈帝懸鴻都榜開賣官路

試職

書曰明試以功唐武后凡舉人無賢不肖咸加擢拜大置試官宋神宗改官制有行試守三等試未正命也階高官卑稱行階卑官高稱守國初凡在京初入仕者試職一年御史試職半年考堪實授

會推

國朝進退大臣皆出於宸斷成化開始有吏部會官推舉之例其權遂歸於內閣

考滿

舜典曰三載考績三載黜陟幽明宋朝以考定勞一歲爲考四考而遷國朝凡京官歷俸三年五品以下後監察御史考覈吏部覆考各以九年通考四品以上任滿黜陟取自上裁外官三年考滿給由到部亦以九年通考

休沐

史記李園事春申君謁歸故失期則假告已見於戰國時矣漢律吏得五日一休沐言休息以洗沐也唐永徽三年以天下無虞百司務簡每至旬假許不視事以寬百僚休沐然則休沐始於漢其以旬休始

於唐也。國朝正旦節放假五日。冬至三日。元宵十日。

豁宿

宋朝館閣每夜輪一人直宿。如有故不宿。則虛其夜。謂之豁宿。豁宿不得過五日。卽須入宿。若遇豁宿不到。直宿歷書腹肚不安。故相傳爲害肚歷。

致仕

書曰。伊尹旣復政厥辟。告歸于王。註謂告老致政事于君。此臣下致仕之初也。自周乃有大夫七十而致事之禮。

策免

漢成帝策免大司馬許嘉。此策免大臣之始。

德政碑

陸龜蒙曰。古者懸棺而窆。用木書之。以表其功德。因留之不忍去。碑之名由是而得。自秦漢以降。主有功德政事者。亦碑之。而易之以石。失其稱矣。此德政有碑之起也。

生祠

漢于公爲縣吏。曹決獄平。郡中爲立生祠。自三代以來。無生爲立祠者。至此始見其事。按史記萬石君傳。慶其家行。不言而齊國。

戒石銘

餘冬棗曰。今之戒石四字銘。爾俸爾祿。民膏民脂。下民易虐。上蒼難欺。舊傳乃宋太宗書以賜諸郡縣者。其辭則摘蜀王孟昶之文也。自是天下始有戒石亭。考歐陽集古錄。稱唐明皇擇令一百六十三人。賜以丁甯之戒。其後天下爲縣者。皆以新戒刻石。又知戒石不自宋始。蓋唐已有之。特不見其辭耳。

官爵志卷之二

宗人府

周有宗正。漢置官以序九族。國初置大宗正院。洪武二十二年改院爲府。設宗人令、左右宗正、左右宗人、俱正一品。首領官經歷司經歷正五品。職專玉牒譜系之事。初以親王領府事。後但以勳戚大臣掌之。而不備官。

六部

國初因元制。置中書省。設右左丞相等官。天下政事皆由之而出。其屬有四部分治錢穀、禮儀、刑名、營造之務。洪武元年始定吏、戶、禮、兵、刑、工六部。俱正三品。衙門仍屬中書省。革陞六部尙書爲正二品。左右侍郎二員。正三品。首領官司務廳司務。從九品。屬官郎中一員。正五品。員外郎一員。從五品。主事正六品。按秦少府遺吏四人在殿中主發書。謂之尙書。漢光武始分尙書爲六曹。各置侍郎一人。秦以郎侍衛居中。故曰郎中。隋文帝於尙書二十四司各置員外郎一人。謂本員之外復置郎也。後魏於尙書諸司置主事令史。隋煬帝但曰主事。皆吏長之名也。

吏部

漢成帝置常侍曹。光武改爲吏部。今尙書卽周天官卿也。侍郎卽周少宰也。所屬有四清吏司。曰文選。因

隋選部。今掌天下文吏班秩品命。曰驗封。因唐司封。今掌邦之封爵。曰稽勳。因周司勳。今掌邦國官人之勳級。曰考功。因魏考功。今掌文職官吏考課。

戶部

吳有戶部。今尚書卽周地官卿也。侍郎卽周小司徒也。首領官。照磨所照磨一員。正八品。檢校一員。正九品。所屬。隋曰民部。魏曰度支。金部。倉部。今改爲浙江。江西。湖廣。陝西。廣東。廣西。山東。山西。福建。河南。四川。雲南。貴州。十三清吏司。各掌一布政司。戶口錢糧。仍量繁簡。帶管直隸州縣。每司內分民。度。金。倉。四科。以領其事。

太倉

秦漢大司農屬官有太倉令丞。唐元宗以監察御史充太倉出納使。梁改曰如京使。取詩如坻如京之義。今屬戶部郎中員外主之。

戶部所屬

寶鈔提舉司。提舉一員。正八品。寶鈔廣惠庫。收各處解到鈔錢。廣積。收紵絲綾羅硝黃等物。贓罰庫。收籍沒官民家財。追沒官吏贓物。并錢鈔紵絲綾羅絹緞氈毯鐵皮絨布衣服花絨等物。甲字庫。收布匹顏料。乙字庫。收紵絲絨布疋襖袴鞋毛襖等物。丙字庫。收棉花絲絨等物。丁字庫。收銅鐵皮張蘇木等物。戊字庫。收軍器胡椒等物。各大使正九品。各副使從九品。寶盈庫。收貯絲紗羅綾絨絹布匹等物。御馬倉。南

京龍江鹽倉檢校批驗所。張家灣檢校批驗所。抄紙局。印鈔局。各大使副使。俱未入流。

禮部

漢成帝置客曹。隋爲禮部。今尙書卽周春官大宗伯卿也。侍郎卽周小宗伯也。所屬有四清吏司。曰儀制。因魏儀曹。今掌舉其儀制而辨其名數。曰祠祭。因晉祠部。令臺祭饗天文漏山國忌廟諱卜筮醫藥道佛之事。曰主客。因周官。今掌諸番朝貢等事。曰精膳。因北齊膳部。今掌邦國牲牢酒膳。辨其品數。

禮部所屬

鑄印局。大使一員。副使一員。俱未入流。教坊司。唐高祖置內教坊。武后改爲雲韶府。以中官爲使。宋以伶人久次者爲之。今設奉鑾一員。正九品。左右韶舞。左右司樂。各二員。俱從九品。

兵部

魏置五兵。隋爲兵部。今尙書卽周夏官大司馬卿也。侍郎卽小司馬也。所屬有四清吏司。曰武選。因魏五部郎曹。今掌天下武職班秩品命。曰職方。因周官。今掌天下地圖及城隍鎮戍烽堠之政。曰車駕。因魏駕部。今掌邦國輦車及天下傳驛廩牧。曰武庫。因魏庫部。今掌邦國戎器儀仗。辨其出入之數。

兵部所屬

會同館。大使一員。正九品。副使二員。從九品。南京典牧所。提領一員。正八品。大使一員。正九品。典史一員。大勝關。大使一員。副使一員。俱未入流。

刑部

宋置都官。隋爲刑部。今尙書卽周秋官大司寇卿也。侍郎卽周小司寇也。照磨、檢校、品與戶同。司獄司、司獄六員。從九品。古屬有四。曰憲部、比部、司門部、都官部。今改爲浙江等十三清吏司。各掌一布政司刑名。仍量繁簡。帶管直隸州縣。并在京衙門。每司分憲。比、司門、都官、四科。以領其事。

工部

晉有起部。隋爲工部。今尙書卽周冬官大司空卿也。侍郎卽周小司空也。所屬有四清吏司。曰營繕、今掌經營興造衆務。曰虞衡。因周禮虞衡之官。今掌天下山澤而辨其時禁。曰都水。因隋水部。今掌天下陂池川瀆政令。曰屯田。因晉。今掌天下屯種政令。

工部所屬

營繕所。所正正七品。所副正八品。所丞正九品。文思院。唐有文思院。宋始掌工巧之事。以時文思索。故工作之所號之。織所。皮作局。顏料局。鑿榘局。寶源局。大使俱正九品。副使、軍器局大使。俱從九品。副使未入流。大通關提舉司。龍江提舉司。提舉俱正八品。副提舉俱正九品。典史、押分竹木局大使。副使。俱未入流。

都察院

周官有御史。秦有御史大夫。漢御史臺有中丞。以其別在殿中。掌蘭臺祕書。外督部刺史。內領侍御史。北齊後周不置大夫。而以中丞爲臺主。唐分爲左右臺大夫。漢武帝始有侍御史。魏文帝始遣御史居殿中。

隋文帝始有監察御史。宋爲御史臺。其屬有三院。一曰臺院。知雜御史爲侍御史。隸焉。二曰殿院。言事官爲殿中侍御史。隸焉。三曰察院。考察官爲監察御史。隸焉。國初置御史臺。後改爲都察院。設左右都御史。正二品。左右副都御史。正三品。左右僉都御史。正四品。職專糾劾百司。辨明冤枉。提監各道。及一應不公不法事。首領官。經歷。正六品。都事。正七品。照磨。檢校。各一員。司務。二員。司獄。六員。品同戶刑。其屬浙江等十三道監察御史。正七品。凡遇刑名。各照道分送問發落。

御史差委

國朝宣德二年。差御史各處清軍。天順二年。奏準。三年更替。正統元年。差御史提督南北直隸學校。三年。差御史巡視鹽課。十三年。差御史巡視京城。成化三年。差御史於陝西巡茶。一年更代。凡差委御史出巡。追問審理刷卷等事。都御史具事自請旨點差。

巡撫

永樂間。遣尙書侍郎少卿等官鎮守。景泰間。因與巡按不相統屬。難以行事。定爲都御史巡撫。兼軍務者。加總督贊理。掌糧餉者。加總督兼理。他如整飭邊備。提督邊關。及撫治流民等項。皆隨事異名。若邊境有事。又有總督。提督。總制。參贊贊理。及經略。巡視之名。近例。尙書侍郎治事於外者。兼都御史。以便行事。事畢而罷。

通政使司

唐虞納言官也。今通政使正三品。左右通政正四品。左右參議正五品。職專出納帝命。通達下情。關防諸司。出入公文。奏報四方。臣民實封建言陳情。伸訴及軍情聲息災異等事。首領官。經歷正七品。知事正八品。

大理寺

黃帝立后土。辨乎北方。故爲李理官也。舜命皋陶作士。士理官也。秦置廷尉。漢因之。景帝復爲大理。取天官貴人之牢。曰大理之義。梁爲秋卿。後魏置少卿。晉置丞。唐因之。今卿正三品。左右少卿正四品。左右寺丞正五品。首領官。司務從九品。其屬左右二寺。左右寺正正六品。卽秦廷尉正也。左右寺副從六品。左右評事正七品。因隋官也。職專審錄天下刑名。凡刑部都察院司道罪有出入者。依律照駁。事有冤枉者。推情辨明。

太常寺

周禮春官職也。秦曰奉常。王者旌旗畫日月。大事則建以行。禮官主奉持之。漢改曰太常。尊大之義也。後漢有卿。隋有少卿。秦有丞。今卿正三品。少卿正四品。寺丞正六品。職專祭祀之事。首領典簿正七品。漢官也。屬官。博士正七品。因秦官也。協律郎正八品。因後魏也。贊禮郎正九品。因漢治禮郎也。司樂從九品。神樂觀提點正六品。知觀從八品。犧牲所吏目從九品。隋有郊社令。漢文帝有籍田令。唐有陵臺令。今天地壇。山川壇。籍田。孝陵。長陵。獻陵。景陵。裕陵。茂陵。各祠祭署奉祀各一員。俱從七品。祠丞各一員。俱從八品。

鴻臚寺

周官大行人。秦爲典客。漢改曰鴻臚。鴻聲臚傳之也。傳聲贊道也。隋有丞。唐有主簿。今卿正四品。左右少卿從五品。左右寺丞從六品。首領主簿從八品。屬官司儀署。司賓署。署丞正九品。鳴贊序班俱從九品。職專朝儀宣贊等事。

光祿寺

漢有光祿勳。梁改光祿卿。今卿從三品。少卿正五品。寺丞從六品。職專膳羞宴饗等事。首領典簿從七品。錄事從八品。屬官大官。珍羞。良醞。掌醞。四署署正俱從六品。署丞俱從七品。監事俱從八品。司牲司。司牧局。大使俱從九品。副使俱未入流。

太僕寺

洪武初置太僕寺。在滁州。置北平。遼東。陝西。甘肅。爲行太僕寺。永樂間改北平稱太僕寺。正統間定滁州爲南京太僕寺。按周官有太僕。秦漢有丞。梁有主簿。今卿從三品。少卿正四品。寺丞正六品。職專牧馬之事。首領主簿從七品。常盈庫大使未入流。行太僕寺官品同。

尙寶司

漢有符節令。位次中丞。領上符璽。唐武后改爲符寶郎。今卿正五品。少卿從五品。司丞正六品。職專寶璽符牌等事。

國子監

國子周制也。晉武帝初立國子學。隋煬帝改爲監。正官名祭酒。皆一位之元長。古者得主人饌。則老者一人舉酒以祭地。故以祭酒爲稱。周封兄弟同姓。成王時。彤伯爲祭酒主親屬。秦漢因之。晉武帝始制國子祭酒。國子博士助教。隋煬帝置司業。取樂正司業之義。亦置監丞。北齊置主簿。今祭酒從四品。司業正六品。繕寫監丞正八品。博士廳博士。典簿廳典簿。俱從八品。典籍廳典籍。從九品。掌饌廳掌饌。未入流。率性。修道。誠心。正義。崇志。廣業。六堂助教。俱從八品。學正正九品。學錄從九品。職專教化之事。

翰林院

學士之稱。始自漢晉。而命官起於宋齊。唐明皇始置翰林院。改供奉爲學士。禁中亦有侍讀。侍講學士。至宋真宗。始置二職於翰林。明皇始置史館。修撰。編修。今學士正五品。侍讀。侍講學士。從五品。首領官。孔目。未入流。屬官。侍讀。侍講。正六品。五經博士。正八品。典籍。從八品。侍書。正九品。待詔。從九品。史官。修撰。從六品。編修。正七品。檢討。從七品。職專制誥。史冊。文翰等事。庶吉士。永樂間。選二甲三甲中進士爲庶吉士。隸本院。命學士教之。學業成者。二甲除編修。三甲除檢討。餘除科道部屬。

翰林陸用

雙溪雜記云。自來陸用六部堂上官。不拘出身何衙門。初無內閣禮部必用翰林出身人之例。成化宏治以來。吏部必用翰林一人。禮部非翰林出身者不得陸入。由是翰林人多陟顯要矣。

大學士

學士無大稱。唐中宗欲以崇寵大臣，乃有大學士之名。唐至五代，有文明殿大學士，爲宰相兼職。宋真宗寵王欽若罷政，特置資政殿學士。班在翰林上。今設華蓋殿、武英殿、文華殿、文淵閣、東閣大學士，俱正五品。班在本院學士上。永樂初，簡命編修等官於文淵閣參預機務，謂之內閣。漸陞至學士等官。洪熙元年，以輔導任重，加陞至師保及各部尙書侍郎職銜，仍兼學士。大學士又添設謹身殿大學士，以後或由他官入閣辦事者，皆兼學士。大學士。唐末有閣門使。今閣門使正六品。武英殿承天門右順門待詔俱從九品。

內閣權重

瑣綴錄云：國初不設宰相。永樂初，乃設內閣，選翰林六七臣居之，職知制誥，日備顧問，參決政機，隱然相職，而官不過學士。洪熙初，始陞孤卿，皆潛邸舊人。

詹事府

秦官。漢因之，掌太子官。唐始置少詹事一人，以貳詹事。今詹事正三品，少詹事正四品，府丞正六品，首領主簿正七品，錄事從九品，屬官通事舍人。按漢司隸官有功曹從事，吏兼錄衆事，東晉有通事舍人。

左右春坊

周太子官有庶子。唐始置太子諭德，中允、贊善。漢丞相府置司直。今左右庶子俱正五品，左右諭德從五

品。左右中允正六品。左右贊善。左右司直郎。俱從六品。左右清紀郎。從八品。左右司諫。從九品。

司經局

國語曰。句踐爲夫差洗馬。如淳曰。前驅也。晉太子詹事屬官有洗馬八人。掌太子圖籍經書。漢蘭臺。東觀藏書。有校書之職。後以郎居其任。故謂校書郎。元魏始命爲官。齊集書省有正書官。北齊始爲正字。今洗馬正五品。校書正九品。正字從九品。凡本府官皆以東宮輔導侍從爲職。

中書科

秦始置中書謁者。漢元帝去謁者字。魏文帝改祕書省爲中書省。令爲中書令。置通事郎。後改爲中書侍郎。隋文帝中書令與侍中知政事。爲宰相。舍人本周官。掌平宮中之政。晉初置中書舍人。國初中書省設置省舍人。後革省爲科。定中書舍人從七品。職專書寫誥敕册等事。

六科

古諫官。秦有諫大夫。後漢有諫議大夫。唐分爲左右。武后置左右補闕。拾遺。宋太宗改爲左右司諫。正言。秦漢別有給事黃門之職。後漢有給事黃門侍郎。左右給事中。以有事殿中。故曰給事中。今設吏、戶、禮、兵、刑、工六科。爲諫官。每科都給事。中正七品。左右給事中。給事中。俱從七品。職專參駁糾劾等事。

六科廊

國朝六科本與尙寶司相鄰。今工部委官製衣處。猶稱六科廊。是也。永樂間失火。遷出午門外。今遂爲定

居。

近侍

叔園雜記云。翰林院尙寶司。六科官在前。常朝俱在奉天門上御座左右侍立。故云近侍。今在門下御道左右。云是太宗晚年有疾。因女官扶持上下。因退避居下。遂爲定位。

行人司

周官有行人。今設司正。正七品。左右司副。從七品。行人正八品。職專冊封葬祭宗室。及出使外蕃等事。

太醫院

周有醫師。上士下士。秦漢少府屬有大醫令丞。元置太醫院。有使副判各一員。今設院使。正五品。院判。正六品。首領。吏目。從七品。屬官。御醫。正八品。職專診視疾病。修合藥餌等事。所屬惠民藥局。生藥庫。大使副使。俱未入流。

欽天監

少昊鳳鳥氏爲歷正。夏曰大使。周禮春官有保章氏。夏官有挈壺氏。唐改司天監。唐有少監。宋置大使。正。唐有五官正。靈臺郎。今設監正。正五品。監副。正六品。首領。主簿。正八品。屬官。春。夏。中。秋。冬。官正。正六品。五官靈臺郎。從六品。五官保章正。正八品。五官挈壺正。從八品。五官監候。五官司歷。俱正九品。五官司晨。漏刻博士。俱從九品。職專歷數天文地理之事。

上林苑監

漢武帝始起上林苑。隋置宮苑總監。唐置宮苑使。國朝永樂五年。置左右監正。正五品。左右監副。正六品。左右監丞。正七品。首領典簿正九品。蕃育嘉蔬良牧林衛四署典署。正七品。置丞正八品。錄事正九品。職專苑圃蕃牧種植等事。

五城兵馬指揮司

宋以四廂都指揮使巡警京城。神宗置勾當左右廂公事。民間謂之都廂。今指揮正六品。副指揮正七品。首領未入流。職專京城巡捕等事。

京府

周成王命君陳尹東郊。漢武帝更右內史爲京兆尹。秦置郡丞。漢設治中。人居中治事。主衆曹文書。宋太祖諸州置通判。唐節度等使皆有推官。唐高祖有檢校梁州諸軍事。今南京應天府。北京順天府。府尹正三品。府丞正四品。治中正五品。通判正六品。推官從六品。首領經歷從七品。知事從八品。照磨從九品。檢校未入流。司獄從九品。

所屬衙門

隋有州博士。唐德宗改爲文學。宋神宗於諸大郡府始置教授一人。掌教導諸生。今儒學教授一員。從九品。訓導六員。未入流。都稅司。宣課司。各門稅課司。織染局。草場大使。俱從九品。副使俱未入流。各門分司。

副使倉通達所金銀場鐵冶批驗所大使副使俱未入流

京縣

南京上元江甯二縣北京大興宛平二縣知縣正六品縣丞正七品主簿正八品典史未入流

公侯伯

唐虞輯五瑞爵有公侯伯子男隋文帝始封功臣爲國公唐代宗以射主軍清難始賜名寶應功臣國初功臣爵有五等後革子男其封公侯伯者皆給誥券或世襲或不世襲以功高下爲等

駙馬

駙馬非正駕車者皆爲駙馬一曰附近也疾也漢武帝置駙馬都尉以假功臣戚屬晉尙公主著始加之今公主婿皆稱駙馬都尉賜誥命

五府

晉爲都督諸軍事國初置統軍大元帥府改樞密院又改爲大都督府洪武十三年始分中左右前後軍都督府設左右都督正一品都督同知從一品都督僉事正二品首領用文職經歷從五品都事正七品各府分管在京在外衛所職專軍旅之事初以公侯伯爲之後或掌府事都督僉書軍政所屬都司二十一處留守司一處內外衛四百九十一處守禦屯田羣牧千戶所三百一十一處儀衛司三十三處宣慰司二處招討使司一處宣撫司六處安撫司十六處長官司七十處番夷都司衛所等四百七處

禁衛

周有虎賁氏。漢京師有南北軍。掌理禁衛。又有羽林郎。武帝更秦中尉爲執金吾。唐置神策、神武等軍。五代後唐有侍衛親軍禁軍。號控鶴。年多者號寬衣控鶴。宋改爲天武。今在京親軍不屬府者。惟錦衣衛、旗手衛、府軍左右前後四衛。金吾左右前後四衛。羽林左右前三衛。燕山左右前三衛。虎賁左衛。大興左衛。濟陽、濟川、通州三衛。共二十二衛。後又設騰驤左右、武驤左右、四衛。亦係親軍。并武功中、左右、永清、左右、彭城、長陵、景陵、獻陵、裕陵、茂陵衛。俱不屬府。

錦衣衛

唐置營幕使。宋置儀鑾使。國初置儀鑾司。後罷司置衛。統軍同諸衛。而所隸又有將軍、力士、校尉人等。職掌直駕侍衛巡捕等事。其任遇漸加。視諸衛獨異。首領鎮撫司。問理本衛刑名。成化十四年。始增鑄印信。各爲一司。經歷用文職。掌本衛文移出入。所屬錦衣中、左、右、前後、五所。又分鑾輿、擎蓋、扇手、旌節、幡幢、班劍、斧鉞、戈戟、弓矢、馴馬十司。統領校尉。掌鹵簿儀仗。及直駕擊人直宿等事。上、中、左、右、前後、中、後親軍七所。分管力士軍匠。又馴象所。領本衛軍奴養象。以備朝會陳列。及駕輦馱寶之用。

旗手衛

國初置旗手千戶所。後陞爲衛。掌大駕金鼓旗纛。統領隨駕力士。及宿衛等事。

京衛武學

宋神宗始就武成王廟側建武學。如太學儀。國朝京師建武學。儲養京衛幼官與子弟未襲職者。設教授一員。從九品。訓導六員。未入流。

南京文武衙門

南京在洪武開爲京師。自永樂定都於北。因名南京。文武官並置。在南京與北京同。但加南京二字。

南京衙門牌扁

瑣綴錄曰。南京文武各衙門俱有牌扁。直書衙門之名。惟翰林院三字橫列。而兵部獨無。相傳洪武開。一夕潛有掣去之者。詰且具聞。上不之省。蓋以示去兵之意。至今不敢復揭。

官爵志卷之三

十三省承宣布政使司

唐有參知政事。宋下宰相一等。元尙書省亦置。爲宰相之貳。行省亦有左右參政。唐高祖有檢校。隋改都令史爲都事。今左右布政使從二品。左右參政從三品。左右參議從四品。首領經歷司經歷從六品。都事從七品。照磨所照磨從八品。檢校正九品。理問所理問從六品。副理問從七品。提控案牘未入流。各省所屬庫、雜造、織染局大使副使。陝西、四川茶馬司。洪武初。令陝西洮州、河州、西甯各設茶馬司。收貯官茶。每三年一次。差在京官。選調邊軍。齎捧金牌信符。往附近番夷。將運去茶馬。給與邊軍。騎操大使正九品。副使從九品。廣西裕民司。雲南滇池魚課司大使副使。俱未入流。

各府

秦罷侯置守。漢景帝更名太守。王莽改曰大尹。今知府一員。正四品。同知正五品。通判正六品。添設無定員。推官一員。正七品。首領經歷正八品。知事正九品。照磨從九品。檢校未入流。所屬司獄司司獄從九品。儒學教授一員。從九品。訓導四員。未入流。陰陽學正術。醫學正科。僧綱司都綱。道紀司都紀。俱從九品。副都綱副都紀。俱未入流。稅課司分司。倉庫局。雜造。織染局大使。俱從九品。副使及茶鹽批驗所。茶倉。魚課司。金銀場局。鐵冶所大使副使。俱未入流。府州縣巡檢司巡檢。從九品。水馬驛丞。遞運所大使。河泊所官。

開官、壩官俱未入流。

各州

唐代宗敕刺史有故及闕但令上左依次知州事。隋使府判官爲諸使官屬。五代始領郡事。爲州府職。今知州一員。從五品。同知從六品。判官從七品。添設無定員。若不及三十里長。有屬縣者。裁減同知。無屬縣者。裁減同知判官。首領吏目一員。從九品。所屬儒學學正一員。訓導二員。陰陽學典術。醫學典科。僧正司。僧正。道正。司道正。州縣倉稅課局茶課司大使副使俱未入流。

各縣

周置四百里爲縣。官有縣正。晉謂之大夫。魯衛謂之宰。楚謂之令尹。唐大中年。裴讓權知縣事。定以朝官知縣。秦置令丞。後漢有郡主簿。亦曰督郵。隋諸縣始置堂。勾稽簿籍。今知縣正七品。縣丞正八品。主簿正九品。添設無定員。若不及二十里。裁革縣丞主簿。首領典史一員。未入流。所屬儒學教諭一員。訓導二員。陰陽學訓術。醫學訓科。僧會司。僧會。道會司。道會。俱未入流。

十三省提刑按察司

唐置十道按察使。宋轉運使兼按察使。元各道置提刑按察使。有副使。簽書公事。爲之貳。又置經歷。知事等員。後改肅政廉訪司。今按察使一員。正三品。副使正四品。僉事正五品。添設無定員。首領經歷正七品。知事正八品。照磨正九品。檢校從九品。司獄司。司獄從九品。

都轉運鹽使司

唐置江淮處置轉運使。後置諸道鹽鐵轉運使。多以重臣兼領。五代置轉運司。唐明皇以崔希逸爲轉運副。宋京師置都鹽院。太祖以許允言爲判官。今兩浙、兩淮、福建、山東、長蘆、河東鹽運司。運使從三品。同知從四品。判官從六品。首領經歷從七品。知事從八品。所屬儒學教授從九品。訓導未入流。批驗鹽引所。鹽課司分司。倉庫大使副使。俱未入流。

鹽課提舉司

宋熙甯有大都大提舉茶馬事。紹興復置提舉茶鹽司。元置都提舉。同提舉。副提舉等員。今廣東、陝西、四川、雲南鹽課司。提舉從五品。同提舉從六品。副提舉從七品。首領吏目從九品。

苑馬寺

今卿從三品。少卿正四品。寺丞正六品。首領主簿從七品。所屬各監監正正七品。監副正八品。錄事未入流。苑圍長從九品。

衍聖公

宣聖襲封衍聖公。孔氏子孫正二品。司樂管勾無籍。俱未入流。孔顏孟三氏教授從九品。學錄未入流。

王府長史司

秦置郡丞以佐守。在邊爲長史。掌兵馬。今王府長史正五品。首領典簿正九品。所屬審理所審理正正六

品。審理副正七品。紀善所紀善正八品。典寶所典寶正正八品。典寶副從八品。典膳所後漢有太子食官。隋改爲典膳正。今王府因之。典膳正正八品。典膳副從八品。奉祀所奉祀正正八品。奉祀副從八品。典樂正九品。良醫所良醫正正八品。良醫副從八品。工正所工正正八品。工副從八品。典儀所。元有太子典儀。今王府因之。典儀正正九品。典儀副。伴讀。教授。俱從九品。引禮舍人。倉庫大使副使。俱未入流。郡王府典膳正八品。教授從九品。

中都留守司

唐明皇太原置尹。以爲留守。謂之三都留守。蓋車駕不在京。則置留守。今留守正二品。副留守正三品。首領。經歷司。經歷正六品。都事正七品。

各都指揮使司

唐兵志曰。僖宗幸蜀。以神策大將軍爲都指揮使。今都指揮使正二品。都指揮同知從二品。都指揮僉事正三品。首領。經歷司。經歷正六品。都事正七品。司獄司。司獄從九品。斷事司。斷事正六品。副斷事正七品。吏目未入流。庫大使從九品。副使。草場大使。倉副使。俱未入流。

各衛

漢武初置衛將軍。今一衛隸軍五千六百名。指揮使正三品。指揮同知從三品。指揮僉事正四品。衛鎮撫從六品。首領。經歷司。經歷從七品。知事正九品。所屬千戶所。隸軍一千一百二十名。正千戶正五品。副千

戶從五品。百戶所隸軍一百一十名。百戶正六品。每所設總旗二名。小旗十名。已上武官俱世襲。惟首領屬官選除。

衛學

國朝軍衛無學。宣德十年。從兵部尙書徐河之請。令天下軍衛獨治一城者皆立學。正統以來。天下軍衛延至邊徼。建學設教授。訓導品秩俸祿如府學之制。

鎮戍

唐制。緣邊戎寇之地。則加以旌節。謂之節度使。武德初。邊要之地。亦置總管以統軍。國朝凡天下要害處。所專設官統兵鎮戍。總鎮一方者曰鎮守。獨守一路者曰分守。獨守一城一堡者曰守備。有與主將同處一城者曰協守。又有備倭提督。提調。巡視等官。其官稱掛印專制者曰總兵。次曰副總兵。曰參將。曰遊擊將軍。俱於公侯伯都督都指揮等官內推舉充任。

土官宣慰使司

唐以藩方不靖。遣重臣宣諭慰安之。故有宣慰使之名。今宣慰使從三品。同知正四品。副使從四品。僉事正五品。首領。經歷司。經歷從七品。都事正八品。儒學教授從九品。訓導未入流。宣撫司。學同。

宣撫使司

唐有宣撫使。宋不常置。有軍旅大事。則命執政大臣爲之。今宣撫從四品。同知從五品。副使從五品。僉事

正六品首領。經歷司經歷從八品。知事正九品。

招討使司

唐有招討使。用兵權置。後以節度使兼之。元有招討使。副招討。今招討從五品。招討副正六品。首領。吏目從九品。經歷從七品。

安撫司

隋有安撫大使。唐以節度使兼之。德宗置副使。今安撫從五品。同知正六品。副使從六品。僉事正七品。首領。吏目從九品。

長官司

長官正六品。副長官從六品。吏目、教諭、訓導俱未入流。

蠻夷長官司

長官正七品。副長官從七品。已上土官俱世襲。惟首領屬官選除。

吏員


文獻通考曰。西漢開儒吏二途。以取人。未爲抑揚輕重。自後判爲二途。儒詆吏爲俗。吏謂儒爲迂。故拘固不通者一歸之儒。放蕩無恥者一歸之吏。而二途皆不足以得人矣。

六房

唐張說爲相。改政事堂。號中書門下。列五房於後。一曰吏房。二曰樞機。三曰兵房。四曰戶房。五曰刑禮。旁分以曹官。主衆務焉。國朝各衙門立吏。戶禮兵刑工六房吏典書辦文移。

吏員出身品級

通典曰。令史。漢官也。晉中書有主書之員。齊爲主書令史。後魏於尙書諸司置主事令史。又尙書都令史。宋太祖知堂吏擅中書事權。多爲奸賊。故選授用正人。神宗行官制。除堂後官之名。於門下省中書省置錄事而已。國朝一品二品衙門提控都吏通吏出身從七品。一品二品衙門掾吏令史典史出身正八品。內府門吏出身正八品。三品衙門令史胥吏書吏出身從八品。三品衙門典史四品衙門令史出身正九品。四品衙門典史五品衙門司吏典史巡按書吏各道書吏出身從九品。六品七品八品九品并雜職衙門吏典都察院各道典史俱出身雜職。



內閣小志

附內閣故事

葉鳳毛撰

內閣小志

本館據指海本排
印初編各叢書僅
有此本

國朝仍前明之制。以內閣爲政府。大學士爲宰執。典籍爲首領。中書舍人爲椽。國朝文字必兼清書。故又多置滿員。前明天子拱默。委任左右。故閣臣往往比中涓。作威福。營姦利。雖分權於部。而權益重。國朝擬旨有定例。內外大臣言官摺奏。則直達御前。天子親筆批答。閣臣不得與聞。天子有詔。則面授閣臣。退而具草以進。曰可。乃下。後首揆必兼軍機。日蒙召對。次揆入見。以時恩禮有加。諸卿莫逮。古者三公坐而論道。後世兵農禮樂。進退百官。一切責之宰相。任非其人。折足覆餗。禍貽無極。我朝聖聖相承。萬機獨理。紀綱整密。權不下移。相臣得以優游坐論。以養其望。蓋遭際然也。鳳毛自雍正八年春。蒙世宗憲皇帝賞延之典。得入中書爲椽。屬吏部。循資轉典籍。前後十年。目覩明良一德。吁咈和衷。慨然想見唐虞之盛。自願草野賤微。廟身禁籙。依日月。被龍光。非始願所及。兢兢翼翼。勉效所能。相君德同父師。寮案友同兄弟。仰有所承教。俛有所闢厲。拙學疏才。幸無隕越。相君鑑其勞動。將加拂拭。而吏部又循資推郡司馬。適纒滯胃疾。請告旋歸。鍵戶侍親。重理舊業。俟理積學成。信斯再出。而親年垂暮。貞疾作止無時。忽忽及於衰齒。二十餘年。與農牧爲伍。抱貧賤之恥。是不能無疚於中者也。亡友席君鑿。亦以久處山中。不勝玉堂天上之感。邀同爲小志。以備綸扉掌故。未有以報。而鑿已作古人。時憶其言。輒惘惘未忍下筆。今歲盛夏多涼。暑風竹簾之間。尋思往迹。草成是篇。首志其地。次志其官。次志其職事。次志其儀文。末志其姓氏。自我以前。自我以後。莫得而詳者。闕焉。其大較亦可得而覩已。竊惟官無高卑。敬事則一人。無賢愚。欲達則前。今日之在官蒙澤。位顯望隆者。孰非昔日之連茵接席。相狎相優者乎。得者若彼。失者若此。豈盡由時命之

適然哉。余受國恩至深。在中書最久。犬馬依依之情。誠有不能自己者。亦不賢識小之意云爾。

乾隆三十年仲夏前。儒林郎內閣掌典籍印誥勅撰文中書舍人隨帶加一級南書房軍機處協辦兩充殿試收掌官推陞府同知上海葉鳳毛自序

內閣小志

清 上海葉鳳毛撰

內閣署

內閣亦謂內院。因國初內國史院內祕書院內宏文院之稱也。在午門內東廊之南。門西向。入門西爲滿本房。亦謂滿洲堂。東爲漢本房。面紫禁城。黃瓦大屋。兩堂之中稍北垂花門。入門黃瓦大屋爲大學士堂。此三屋皆南向。楣間俱有禁旨堂。卽內三院之院也。堂垣外東偏西向黃瓦屋爲漢票簽房。稍後向南屋爲滿票簽房。後小屋爲滿檔子房。堂西垣外向南小屋爲稽察房。又西隔垣東向黃瓦屋爲蒙古堂。稍北向東小屋爲飯銀庫。向南小屋爲典籍廳。由滿票簽北去爲內閣。後門正對文華殿。出後門迤東紅牆內爲內閣藏書籍紅本庫。庫皆樓。其樓甚長。東爲儀仗樂器庫。前朝文淵閣。卽此一帶庫樓。前明書籍畫象醜壇鐘鼓諸物皆在內閣庫中。余初到閣時。屋皆半圯。雍正八年九月地動。益圯。明年。大清門起至大內。築加繕治。而閣中大堂煥然一新。後又增小屋一行。

大學士堂

滿漢大學士各三。雍正七年增尹公泰。陳公元龍。缺出不補。近歲滿漢各一。增協辦各一。又有協辦大學士。徐公本。訥公親。皆由此卽真。惟三公泰未卽真而薨。彭公維新因事去。閣中稱大學士爲中堂。中堂之稱。前代已有之。見世廟議餘。謂在文淵之中也。然見於文字。則曰某揆某相。俗稱或閣老。或太師。如我郡徐階。至今人呼徐閣老。徐太師。不聞呼徐中堂也。國初崑山徐元文。人尙有呼崑山徐閣老者。今則一口中堂。因兼尙書。故秩居三品。雍正十年特旨升正一品。康熙年間中堂皆在閣。余於雍正八年春爲舍人。中堂已有內外之分。內則馬

公爾賽、張公廷玉、蔣公廷錫，然蔣公猶隔數日一至。外則馬公齊、後竟家居不至。孫公柱、尹公泰、朱公軾、後亦休

陳公元龍、傅公敏、協辦。惟尹陳二公每日至。鄂公爾泰到任後，唯閱散館卷時一至。堂甚寬廣，前後有窗，

廣庭圍牆。雍正八年秋地助。北有大板炕，炕前設八方桌，桌上帖紙一方，薦本。炕上設大枕各一，筆硯俱自

攜。陳文簡公置大學士花梨匣，編硯八，漢學士花梨匣，白編硯四。月茶資三錢，於飯銀內扣除。拜唐攜刻年月乾齋以識，不數日，各攜之去，公亦無如之何。坐定，拜唐阿進茗。阿服役數年，典籍察其優者，查內

務府校。堂供事呈絲綸簿，上諭奏摺簿，已呈通本部。閱侍讀學士以下有事白，則上堂。滿中堂與王公

分六大班夜直。中堂則宿於堂後小屋中。中堂到任，若由翰林出身者，先至翰林，而後到閣。內閣翰詹班

迎於午門內，設公案於滿洲堂。三處官員以次參揖。翰詹學士揖，中堂出位答揖，送至門檻。閱署供事皂隸叩頭已，乃至所坐

堂。滿漢學士序立庭內，迎前輩。中堂在門檻內，迎入。供事先呈吉利本數件。閱翌日，奏行走前後班次。

內閣學士兼禮部侍郎銜，秩三品。雍正十三年，侍郎升正二品。學士求中堂奏如侍郎品級。閣中俱稱爲

學士。滿六員，坐東炕。漢四員，坐西炕。滿學士亦閱本。皇上御門日，清語，御門日。打樓拉米。跪於前。讀折本。上閱本，有欲改簽者，

則折一角發出。積十數件，降旨御門。凡折之本，節其略數語，翻作清語。諸學士豫誦熟，至期稟簽，以綠頭牌列六學士名。頭

牌，長尺，闊半之。牛油。粉面，絲其首。朱其邊。請點一人讀本。點出之人，俟各部院進本訖，侍讀學士捧本上階，訖。於是大學

士率學士上階，東面列跪。讀本之學士捧折本置御前炕桌上，北面跪。舉起一本，清語背誦。候上降旨。中

復舉一本如前。畢退。侍讀學士升階捧本，亦退。大學士等俱退。講官四員，講官四員駕還宮。大學士將所記旨命

中書舍人繕呈，報可，乃繕入票簽更進。此典禮如是，其實改簽降旨無事於此，特假以見羈臣耳。漢學士職票紅，無他事。雍正八九年間，

學士皆出使則中書代票中堂以爲非體派鴻臚寺少卿顧祖鎮侍講蔣漣攝之票紅從本面起四行蓋於字上。

漢本房

漢本房滿洲侍讀學士二員漢軍二員近改爲漢人京堂缺侍讀滿洲三員漢軍二員中書滿洲二十員漢軍八

員侍讀學士始五品雍正初升四品侍讀始六品升五品食六品俸中書舍人秩從七品每日通政司送各省本至漢中書舍人止一二記籍授侍讀學士分發諸舍人翻清改本舍人勘改侍讀又勘改侍讀學

士總勘畢授滿本房止翻貼黃有奉清字上諭由本房譯出交部其有應行翻譯之事俱由本房

滿本房

滿本房侍讀學士二員侍讀四員中書舍人二十四員又有愛什拉米中書學習者也侍讀學士以清稿分發繕寫侍讀

學士侍讀校對粘連授漢票簽凡一切碑文冊寶祝版之屬漢本房主翻滿本房主寫

漢票簽

漢中書舍人三十二員向以俸深司檔者領之雍正中設侍讀二員張正瑗沈青崖乃始爲侍讀之人也

皆爲道去於舍人內保舉升用中書舍人除圓明園直二人本房一人稽察房二三人檔子二三人副本二

三人俱分三直人少則併直夜直十人以後至者輪直清晨入閱部本票草簽以授侍讀近侍讀以無事清坐不安乃專票

草簽侍讀授滿票簽翻清呈中堂閱閱已授滿票簽繕正簽漢票簽繕漢字正簽簽如本而差小背尾署

繕者名授滿票簽。夾入本內。通本亦如之。午後。圓明園本至。學士照簽朱書訖。舍人謄入絲綸簿。每條下旁註略節。乃發科。科臣親領出。日直者候夜直。至乃退。夜直於申末入。閱通本。票訖登部。通本票簽於草簽部。乃寢。詰朝授日直。如非本直日。則退。凡票部通本。俱摘本中語一二行。記於本面包紙上。內中堂閱本。於本面親署某看二字。本中有加說帖及兩請者。另匣盛。此滿票簽事也。中書舍人有雜寫之事。如太廟神主。宮殿扁額。賜諡。大臣碑文。宮殿對聯。對聯懸門匡。其製寬二寸許。長短視其門。或五言。或七言。或四六句。用白絹寫。其句皆有定式。歲終書之。

滿票簽

滿票簽向有侍讀六員。乾隆初。積德由侍讀升侍讀學士。應歸滿洲堂。伊仍兼票簽行走。後遂爲例。中書舍人二十員。不分直。由漢本房來者司翻。由滿本房來者司繕。侍讀校對。本中有疑。則與漢票簽參議。傳部員入詢。有內發上諭。奏摺。部員入鈔。監視供事。夾簽。夾看條。貼浮簽。整束入箱。遞閱。皆其職也。事校劇於他房。其他房雖侍讀學士票簽。舍人可得呼召。三處舍人願上票簽者。由票簽侍讀指名調取。

滿漢檔子房

滿漢檔子房。皆附票簽處。唯滿檔子房在後屋。資深者爲之。滿檔管發鈔。漢檔主記錄上諭奏摺。

稽察房

就而部覆上。則帖簽聲明。必日至票簽檢閱。滿舍人一人。漢舍人兩三人。無夜直園直。

蒙古房

侍讀學士二員。侍讀二員。中書舍人十四員。司外藩蒙古章奏。翻清進呈。不用漢字。有詔勅下西番。則召喇嘛僧入翻寫。西番文以上下爲行。筆用竹片。如梓人墨斗。由清字翻出蒙古字。又翻出西番字。所謂重譯也。

典籍廳

滿漢漢軍各二員。由舍人資深者補。國初有加銜至太常太僕少卿者。秩正八品。鄂西林每以責重事繁。職升品降。爲乖於制。繕摺奏同侍讀。桐城始畫諾。而面奏太優。止升正七品。內閣惟典籍廳有國防一顆。主文移。與內外大臣俱平行。鈐吏役。國家有大禮。有二科房。吉甯。內北廳。若徽號尊謚冊寶。頒詔勅嘉名封號謚法。命將出師頒印。將軍曰虎符銀印。也。遵旨頒給。勘各省換印。頒書籍。請用璽。天子之璽。視所宜而請。今所用者。唯皇帝尊親之寶。上大后表以之。諸命勅命之寶。請勅以之。皇帝之寶。殿試勝泊

合符以之。合符者。合用一紙。宮中九門各藏其中。備夜啓也。皇帝行寶。刻於香木。請出交木房侍讀員而隨駕。洗寶。御駕皆交泰殿太監所司。奏聞後。移文於殿。封印日五殿試策問。先擬數題入奏。點出。搜讀卷中之能文者。聯讀卷處事宜。庶吉士散館。散館人前到。即請點銜文大

師將軍令箭牌票。隨征供事。舍人由各滿房派供事二名。有願去者。咨部給經歷照。三年代回。出咨即選各書館文移到廳。查檢用印。

各部旗副摺。呈堂收貯。各部旗日所奏事。內閣開。皇上陸殿受慶賀。則設筆硯於寶座東。典籍舍人侍立案右。若陸殿受謝恩。則將鴻臚寺送來新除官啓書置案上。

誥敕房

誥敕房在內閣門外會典館之北。滿漢本房司之。五品以上曰誥命。六品以下爲敕命。按吏部來文填寫。草本京官有加級者。準以加級晉封。六七品不得過四五品。四五品不得過二三品。外官加級不準晉封。中書科書軸送閣用寶發部。敕書督撫提鎮將軍學政鹽政坐糧廳皆坐名。司道副參皆傳敕不坐名。誥敕四六文皆刊刻定本。如特命特封王貝勒則於舍人中之能文者別撰新文進呈寫給。

皇史宬

皇史宬在東華門外南。緞疋庫之左。其室純碑甃甃。仰視不見梁柱。上覆黃瓦。以石爲門。丹塗金乳。如朝門內石臺供奉本朝實錄。每朝一箱。箱以銅裹。後兼藏玉牒左右有穴通明。宬外兩夾廂。中爲二門。外爲大門。門右小屋居馬法。馬法者長老之稱。軍校老而未衰者充補。凡數人。自七品至九品。曰尉。曰吏。歲終爲支。狐皮搭護。典籍之屬吏也。

飯銀庫

世宗皇帝憫內閣清貧不能具餐食。命督撫布政歲助銀百兩。中堂日三錢。遞降至舍人日六分。蔣文肅公將已所得留充內閣。本匣紙張之費各中堂俱如之。雍正十年山海關進羨餘三千兩。奉旨賞給內閣官員等。學士請於中堂願一體受賜。人受五十金。遞降至中書舍人受二十金。因旨有等字。供事皂隸紙匠等亦丐同沾。歲以爲常。滿票簽司之。

圓明園

圓明園內閣在吏部朝房上。宗人府下。獨閉其西向榻子。由北後門出入。避諱也。後門正對御茶膳房。各書齋奏弁僕。俱於此簷下候。中有廣庭。亦植楊柳。南向屋五間。中一間爲內中堂。閱本處。余於雍正八年春初授職。猶在此謁見張公廷玉。馬公爾賽。蔣公廷錫。中設長欒二。小竹几二。明年俱坐宮門內朝房。不復出。唯外中堂尹陳二公於御門日來。此少憩。後遂爲滿票簽臥室。西二間爲滿票簽房。漢票簽自構小屋三間於後。北一間。又爲滿票簽臥室。啓南一小窗。坐臥木榻。滿漢票簽五。日一換班。滿侍讀一人。舍人五六。漢舍人二。供事皂隸各二。每日黎明。滿票簽捧昨日京本。授紅本房進呈。少頃。紅本房將前日本發出。滿票簽檢視納箱。授本房舍人馳送京師。紅本內如有改簽。則白內中堂。下午京本到。一一檢視。呈內中堂閱過。撤去包面。納匣。候明晨進呈。漢舍人始事甚冗。自余脫園。直設軍機房。其事日簡矣。滿漢本房。蒙古房。俱有侍讀學士等園直。供急遞而已。各儼於附近處。

紅本房

紅本房在京於乾清門內南書房之右。在園於東奏事門內。俱由滿本房票簽舍人內選用。司出納本章。批清字。如閣中漢學士職。奏事處亦多用中書舍人。非屬內閣。

軍機房

卽內中堂辦事處也。凡內外大臣摺奏有不交部卽令中堂議覆者。泊廷寄各省諭旨。始皆園直人爲之。有滿舍人舒赫德。雅爾哈善。漢舍人吳元安。蔣炳。願不換班。長侍內中堂。時西北兩路出師征策妄。戶部

別立軍需房。司官翁藻主之。於是襲其稱。亦曰軍需房。漸易爲軍機房。漸又以房爲處。軍前奏多清文。又命兵部侍郎班第理藩院侍郎那顏奏。人呼曰那大頭戶部侍郎海望。學士侍郎索柱。在軍機處行走。若舍人然。許大學士差遣委用。後益公慶福公訥親。則儼然爲舍人堂上官。而海望晉尙書。亦呼舍人爲年兄。吳蔣輩墜去。仍兼中書事。後薦引者日多。司官筆帖式。參入人衆。亦如內閣分直。舍人中占侍讀一缺。內外皆增入協辦侍讀。以爲卽真之地。當初有軍需房名之時。在京則在隆宗門外養心殿造辦處。而內中堂張文和公則獨在南書房之西炕間。在園則在宮門外之東朝房。屋甚軒敞。而四空不密。乃移於小東門內之南牆下一堂和氣中。世廟御書屋三門。甚卑隘。內中堂坐東頭。諸大臣坐西頭。後有小屋。則舍人等辦事之處。申刻。大小臣俱退。或在廢園。或儲民屋。或寄僧寺。無定處。亦曰軍機房。蓋以宮門內無夜直之例。一切事俱取辦於寓所也。

中書科

在午門外西六科廊之上。舊爲七品衙門。與六科同。滿掌印中書舍人一員。漢掌科中書舍人一員。漢中書舍人八員。乾隆初設二員筆帖式十二員。專司誥命敕命。向例年終奏銷紙張。得專達。雍正初。因六科隸都察院。中書科亦隸內閣。非覃恩事冗時。亦歸漢票簽辦事。近又派內閣學士一員兼攝科事。

學士以下遷轉之制

內閣學士陞侍郎。由吏部開列。侍讀學士陞學士侍郎。三品京堂。或由開列。或由中堂保舉。吳金由郎中升學士。若漢人。

書由翰林官

滿侍讀升御史侍讀學士郎中甲科出身亦陞大翰林官漢侍讀推升則郎中有保舉則御史道

府保舉必由滿票簽

京察亦然

典籍中書舍人陞主事同知則部推陞侍讀必由協辦侍讀近有協辦侍讀亦侍讀所引滿

洲漢軍舍人陞典籍由各本處保舉漢軍典籍止升主事大理寺正乾隆四年呈於桐城亦陞同知舍人有願往軍機處者由彼處侍讀薦願爲倉差者遇文咨取則向典籍報名由進士出身者遇文咨取學差亦向應報名遇文咨取修玉牒則侍讀派往扈從願去者衆助其資典籍印官不扈從滿舍人代充隨將軍印出征則由滿漢本房照旗分輪派侍讀假四品舍人假五品

滿漢稱謂

內閣曰多爾機衙門大學士爲阿里哈大省文曰阿里大學士爲阿四罕大省文曰阿三大侍讀學士爲阿大哈大省文阿大大侍讀以下無滿稱文相呼阿哥部院官至概稱夸爾大漢文曰長官滿文曰章京章京猶云官兒們不可以稱人大學士亦以官呼僚屬蓋以此爲敬漢屬員於大學士爲師生舍人於學士自稱晚生於侍讀學士自稱學生

相見儀

滿漢中堂次序奏請欽定而入閣之前後輩其翰林之前後輩仍各盡其禮滿中堂不甚分輩行惟鄂西林行之中堂位尊不與學士爲輩學士位亦尊不與舍人爲輩侍讀舍人亦自論輩後輩東書侍生口稱學生見必先揖途遇讓行會飲告坐後雖官位低昂爲後輩者其禮必盡學士晨入趨揖中堂而坐中堂

有問則起而對。非若部中尙書侍郎敵體也。侍讀學士上堂與舍人同。漢屬員到任遞職名於中堂桌前。三揖。中堂或出位答半揖。或起立拱手。會滿漢學士。則羣出同揖。滿漢學士到任先來各房候。翌日各房上堂報候。

見中堂於邸第。中堂西北隅坐。侍讀以下西面列坐。立受茶。向上揖。茶已復向上揖。有問則起而對。揖而退。中堂前行。送至儀門。揖。中堂入。趨出。車馬不當其門。見滿中堂。中堂由科日出身者。行漢禮。否則如滿禮。中堂坐炕。屬官坐椅。不揖。柬書名而書呈。侍讀則書某頓首百拜。師非受業。無書百拜者。近吾郡人如是。遂皆然。面書正。與學士相見。平行。用晚生帖。與侍讀學士。用寅侍生帖。與滿侍讀舍人。不序前後輩。若用帖。書寅弟。侍讀與侍讀學士亦然。

供事

供事卽書辦。唯宗人府、內閣、翰林院、都察院各書館爲供事。禮部曰儒士。外曰典史。名異而實同也。額設六十名。內門堂六名。各房二名。餘俱聚典籍廳。分管南北廳事。舊例捐紙五六千金。乃充。乾隆四年定爲考取。既取。咨部取原籍地方官印結。結到五年役滿。咨部考職。以經歷以下等官銓選。後有繁缺簡缺之分。繁缺卽得選。雍正七年。陳文簡公見堂供事夏景嫻於票法。言於內中堂。奏授七品官。仍服役五年。以州判選去。從征供事。三年卽選經歷。供事皆樂上書館。稍食豐。銓官易。然必由各館提調書清片子來。乃得上館。

皂隸

卽火房額二十四名。紙匠四名。拜唐阿一名。司閩署茶。中堂月三錢。餘官一錢。皆於月費內扣給。

閣中堂屬姓氏

余在閣十年。所事所友。皆滿漢四方之人。有久有暫。有親有疏。舍人中有同直。有不同直。既相聚於一時。皆有同寅協恭之誼。每一念之。如在目前。故不忍不有以志之也。自我以前。自我以後。不可得而知者不具。故不同於昔人之同官壁記。蓋志爲我作也。具其姓氏里居。又詳其以何官去。以何官終而止。不同於柳子之父友石表書陰。蓋余所作者志也。非僅錄其所親厚者也。滿洲旗分。不能悉究。滿舍人中亦多有遺漏。蓋此志出於追憶也。

大學士

馬齊侯爵。康熙間首相。余初任時猶見之。後竟不至。 謚文穆。馬爾賽世稱馮公。余初任時爲首揆。雍正九年。爲靖邊大將軍。征準噶爾。坐迷道喪師。卽於軍前正法。 孫柱不與事。始日至。後不至。 謚

邁柱由湖廣總督入。日至閣。堯機六十餘。 謚文華。尹秦由左都御史。與陳文簡公同日拜。日至閣。年八十餘。 謚文恪。鄂爾泰康熙己卯舉人。由雲貴總督入拜。未幾。奉旨養疾。今上登極。起

總理事務。加伯爵。查郎阿由大將軍入。堯年六十。 謚文端。巴泰協辦。去。未 三泰由太常官至禮部尙書。協辦最久。未卽眞而薨。 謚福敏由尙書在上書房行走。出協辦。後卽

眞。謚文端。訥親始以公尙尙書。在軍機處。繼協辦。出 征金川。坐不親臨陣。於軍前正法。

內閣小志

張廷玉

爲漢首揆。兼總吏部。常在內廷總理事務。加伯爵。用事最久。乞休。卒於家。諡文和。

蔣廷錫

爲漢次揆。兼總戶部。恩眷與張文和埒。世朱軾正。爲漢次揆。兼總戶部。恩眷與張文和埒。世朱軾正。年五十。中風薨。諡文肅。

閻。合常養疾。偶一至閣。後竟不至。今上登極。起副總理。世襲騎都尉。上親臨視疾。薨。上諭俟其開甲日臨喪賜祭。諡文端。諸大學士合詞謝職典。

陳元龍

由景陵禮部尚書入賀元旦。即大拜。每日至閣。在位五年。一再

乞休。世宗加太子太傅。賜錢於邸。令在京衙門。徐本

始協辦。後即真。爲副總理。世襲雲騎尉。中風乞休。薨於家。諡文穆。

稽曾筠

河道總督。未到

彭維新

由戶部尚書協辦。後錄事下吏。今上起爲左都御史。復罷回籍。遇大典入朝。後卒於家。

趙國麟

由浙閩總督拜。後坐

學士

徐元夢

康熙癸丑進士。世稱蝶園先生。左遷中書舍人。今上登極。起加尚書。總理一切繙譯事。閣中通本清文。必經閱定乃進。諡

德新

字治亭。康熙乙未進士。入兼上書房安達。

德齡

字松

康熙乙未進士。升侍郎。索柱

字漁峯。康熙乙未進士。由舍人升。後去爲侍郎。兼學士兼典籍事。

班第

同倫額駙。蒙古中書舍人升。出爲湖廣總督。入爲尚書。又出爲伊犁將軍。與參贊大臣鄂容安殉難。諡

圖理琛

阿三

兼吏部侍郎。雙慶

宗室塞爾赫

字曉亭。有詩名。升倉場總督去。

喀爾吉善

在任歲遺盛京收糧。今上用爲浙

岱

齊。由中書舍人升。後

春山

外國必用之。子鶴年。翰林。總督。

雅爾呼達

呼拉哈番。常兼大常寺

福什寶

吏部郎中時帶余父

子引見者也。

吳金

由郎中升。乾隆初。出使祭

告。至漢陽。坐車輻輳。覺羅吳拜

以酒病終。

吳金

由郎中升。乾隆初。出使祭

告。至漢陽。坐車輻輳。

覺羅吳拜

由舍人侍讀侍讀學士升。

子引見者也。

吳金

由郎中升。乾隆初。出使祭

告。至漢陽。坐車輻輳。

覺羅吳拜

由舍人侍讀侍讀學士升。

吳襄青陽。升禮部尙書。無疾而終。諡文簡。任蘭枝深陽。終禮部尙書。吳士玉長洲。終禮部尙書。俞兆晟海鹽。升戶部侍郎。舉事下。乾隆初。復爲學士。趙殿最杭州。升工部

尙書。張照同郡。後升刑部尙書。出使苗疆。舉事下吏。出。終刑部尙書。加吏部尙書。諡文敏。王蘭生直隸。累任學政。升禮部侍郎。卒。王承堯山西。升兵部侍郎。卒。凌

如煥同郡。升兵部侍郎。終養。卒於家。王以巽漢軍。由知府升侍讀。漢學士。升今職。卒。劉統勳諸城。升侍郎。升尙書。出使巴里坤督餉。復起爲尙書。大拜。諡文正。汪由敦

徽州。後爲吏部尙書。諡文端。陳大受長沙。升江蘇巡撫。尙書。卒。蔣溥常熟。升侍郎。出爲湖南巡撫。未幾。召還。升戶部尙書。大拜。今上親視疾。薨。親奠。恩禮最優。壽五十四。諡文恪。

侍讀學士

木和林滿本房。升侍郎。去。阿爾泰滿本房。爲布政。出。王以巽漢本房。祖尙智。漢軍。未卒。修世德漢軍。未卒。甯滿岱蒙古房。後積德

滿本房。鑒要簽典籍。升副院。卒。未五十也。索柱見前。覺羅雅爾哈善字元長。長余一歲。由舍人歷升通政使。舉事罷。起爲龍安知府。調松江府。升糧道。福建按察。江蘇巡撫。內升戶部侍郎。

耶出爲定西將軍。坐開軍車城不謹。小和卓木漢去。轡車徵入。伏法。舒赫德徐燦園先生之孫。爲舍人時。雅爾哈善同在軍機處。余歸時。已晉兵部侍郎。後督尙書。征剽部。屢罷屢起。由伊犁將軍大拜。今爲首揆。與

余同己丑生。德浦康熙丙戌進士。爲舍人。坐年饒幾案坐臺。歸。升侍讀。諡文襄。海慶尙書。凡閣中翻譯必經其閱。如燦園先生也。

侍讀

常保升陝西道。保林傳講。偕齊以陝西巡撫終。畢誼同郡。康熙戊戌進士。由舍人升刑部主事。仍爲舍人。升侍讀。在任最久。升御史。出爲廬鳳道。被謫。復在軍機處行走。終

洙溼人也。邵世泰常熟舉人。升平儒居京師。樂知府。卒官。

中書舍人滿同事

積德見前。舒赫德見前。雅爾哈善見前。常海升侍讀。舒輅與子同庚己丑。由侍讀歷福建巡撫。蚤卒。阿思哈亦子同庚。由侍讀歷爲

積德見前。舒赫德見前。雅爾哈善見前。常海升侍讀。舒輅與子同庚己丑。由侍讀歷福建巡撫。蚤卒。阿思哈亦子同庚。由侍讀歷爲

阿余歸時猶舍人。今浙江巡撫。岱圖少余五歲。余爲漢人中最少年。岱圖爲滿洲中最少年也。後以科員爲東昌守。黑太爲御史。言不必免天下錢糧。免官。定長字闡實。具余一歲。升

善德蒙古人。在粟鼓。王雅圖尹中堂壻。多純。善保。七克坦善保弟。西

紳揚善。塔坦升禮部郎中。明善。顧珽總河顧璘弟。盛祿。佟琳。博寬順詔至山東。識先君。通特天亡。同德侍郎托時

浙江布政。同義弟。文綬。尙書傅鼐子。歷外任。今爲四川總督。科占弟。文綬彰古禮。永義祿。圖桑阿爲雲南知府。今罷爲旗員。覺羅金

泰。傅俊奏事處弟。傅傑俊弟。鄂爾爲佐領去。已上票簽。

赫慶雍正甲辰舉人。爲御史。後未詳。廣安字居之。後爲蘇州。後改爲託恩多。由蘇州道爲巡撫。觀音保升御史。興泰。三保

蒙古·年
長矣·
三保柱
蘇昌清書最工·一切書事俱委之·歷兩廣總督·謫怒動
積行四川道員·坐事罷
林文德漢軍·爲江安糧道·罷爲旗員
何遂元
蘇岱

進士·舍人升侍講·仍留任·
色誠蒙古·雍正甲辰進士·舍人升中允·仍留任
七達色紅本
富明律
卜塔哈人呼爲巴老道
海明
裕義
英德

嘉行
查進泰
輔德
尼唐阿
索爾遜
伊希德
僧保柱
本岱
石泰
富仲
圖敏
布章

阿來朝後爲按察
綽普通
增祿升御史
白瀛
崔鏡二人教習期滿·奉旨以主事用·桐城奏改
栢超松江提督之蕃子·特用·後爲典籍引見·特擢贛州守

王隆輔侍郎王國棟子
張玉爲松江守·降衢州判
已上兩本房

未同事前輩

呂燿曾河南·戶部侍郎·言買布事罷·起
王峻常熟·御史
吳士進同郡而北音·嚴州守·休
張鉞同郡·御史終
戴

臨江寧·常直懲幼殿·升郎中·罷免
歸宣光常熟·禮部尙書
曲榭山東·禮部郎
柴鶴山湖州·吏

同事前輩

王師典杭州·爲南安同知·坐人命免
顧預無錫·爲湖州同知
史會期宜興·爲建寧守
畢誼見前
凌燾定遠·由侍讀爲江西按察司
井翰文安·由侍讀爲刑部郎中·卒

井其穎潯弟·山東同知
陸尹耀由侍讀爲御史·仍留票簽
吳元安江寧·爲侍讀·升給事中·仍留在軍機處·卒
蔣炳陽湖·由侍讀歷巡撫·食場總督·卒官
熊煥

蘇州·衡州 鮑斐英 淮安·卒官 裘翰周 江西 孫漢孫 高郵·子任時已七十餘·爲貪婪·休 馮歷 代州·終典籍 楊廷爲 江西 于柘 金壇·升

計在部二十餘年·鍾衡 湖州·御史終 御曹繩柱 江西·爲福建按察 朱鳳英 江西·爲演員 潘瑞 嘉興·東吳同知 吳瑛 常州·福州同知 吳之麟 嘉興·刑部郎中·程兵請題

主·來新場·年八十三交·王穆 涇陽·侍郎王承烈子 陸慶元 無錫 詹廣增 常山 邵世泰 見前 伍起州 揚州

同事後輩

金志章 杭州·由侍讀爲口北道·告歸·再見之 席整 常熟·告歸而卒 陳鏐 蘇州·爲襄陽守·自武富山歸·每有出世之志·吟一傷而化 俞敦仁 海寧·侍郎俞兆岳子·由侍讀升襄寧道·左遷汀州

守·復坐事·張涓 杭州·爲御史·巡視臺灣回·余又見之·後復出·終 丁張大宗 杭州·庶常散館·爲宣城令·終壽州知州 吳嗣富 杭州·爲翰林·學田

志勤 武強·爲翰林去 林枝春 福州·爲翰林·河南學院·卒於家 涂逢震 江西·爲翰林·終侍郎 柳彬 揚州 華宏憲 無錫 華棻 安憲子 曹淇 江西·卒官

後子襲先曾來 署南匯令 陶學樞 江西 彭元琪 南昌·嗣子 潘中立 江西·升侍讀 沈世楓 湖州·爲按察·復爲道·以同知用·告歸 吳斗光 湖州·侍郎

卒·蔡筠 清德 姚世信 長州 顧景錫 無錫 姚培益 同郡·升刑部員外郎·休歸 劉忻 山西 劉拭 直隸子 史鳳輝 宜興·武昌同知·升知府

仍用·何璘 順天 周景柱 益州·爲按察·內升內閣侍讀學士 朱發 湖州·爲山西知府·民變坐罪 鄭基 侯官·由侍讀爲浙江鹽道·罷去 李清雲 安溪·終鎮江同知

徐梁棟

錫。常州。爲平

黃鶴翀

江。榮潮生

杭州。護孫。侍讀。爲御史。坐事罷。

郝世藩

山西。賀光烈

浙江。尋卒。曹

五

無錫。遷爲宮中教習。出爲黃州守。卒官。

徐熊

順天。升

霍備

順天。歷府

陳邦勳

順天。升

王櫓

常州。同知。季芳

史貽儉

深陽。同知。

方觀承

江寧。客平

歷浙江巡撫。直隸總督。卒官。諡恪敏。

韓御李

長州。曾任知縣。世宗

知是韓

李。特改會人。

俞鴻慶

海

沈謙

杭州。同知。

朱錦

杭州。陸秩

御史。陳兆崙

博學宏詞。王正功

杭州。漢

俞大受

杭州。同知。王荃

崑山。袁

崇明

馬燦

常熟。歷升

順天

王愷

長州。歷

天津轉運使。蔣元益

長洲。升

湯大紳

常州。御史。

秦勇均

閣侍讀

張秦開

無錫。歷

都御史。查復

海寧。卒官。

沈澗

湖州。升

宗人府主事。

馬樸臣

桐城。非

文和公

杭州。一甲一名。

沈光邦

台州。

萬松

宜興。博

學鴻

溫葆經

順天。蘇

州府而

通

胡金蘭

徐觀光

同郡。改名

陳鍾

同郡。祝

維誥

嘉興。

孫紹基

漢陽。御

史家

曹秀先

江西。歷

同郡。升

侍

讀。卒官。

朱績

山東。侍

讀。御史。

胡師亮

紹興。

金文淳

杭州。志

章子。後

明。金悅

湖州。

商思敬

宛平。

劉大佑

蘇州。

錢鑒

嘉善。

韓慶

會人。未及

同事。

典籍廳同事

蒼林

子生之年，已爲舍人，予二十七歲，與之共事。

華麟，升潯州同知，攝象州，坐濫刑罷。

李宗揚，升大理寺正去。

張問達，黃旗人，升都屬去。

張人鑑，紅旗人，康熙

癸巳舉人，升

福州理事，同知，卽告退。

張景載，藍旗人，升衢州同知，饒州守，坐事罷，復爲衢州同知，卒。

熊煥，見前。

史貽儉，見前。

中書科後輩

楊統正

山東，由知縣升任。

趙尙友，直隸，由知縣升任。

孟琇，直隸，由知縣升任，乾隆三十九年，重遇甲午科，年八十八歲，奉旨與鹿鳴宴。

陳大掄，福建，由知縣升任。

徐德

淳崑山，由知縣升任。

王闡炯，同郡，由舉人捐授，終長蘆轉運使。

莊嘉，嘉興，由舉人戶部學習捐授，未幾告退。

內閣故事

春明夢餘錄。大學士直舍。所謂內閣也。在午門內東南隅。外門西向。閣南向。入門一小坊。上懸聖諭。過坊卽閣也。永樂初。開內閣於東角門。簡翰林待詔解縉爲侍讀。中書舍人黃淮。王府審理楊士奇。爲編修。進修撰。胡廣爲侍講。編修楊榮爲修撰。戶科給事中金幼孜。桐城知縣胡儼。爲檢討。入直文淵閣辦事。以備顧問。終永樂之世。士奇榮官止五品。蓋宣德以前。內閣與外九卿爲平交。至宣德後。三楊眷重。漸柄朝政。英宗九歲登極。凡事啓太后。不欲專。多令內閣議行。此內閣票旨之所由始也。

春明夢餘錄。閣制初甚隘。嘉靖十六年。命工相度。以閣中一間奉孔子四配像。旁四間各相間隔。開戶於南。以爲閣臣辦事之所。閣東誥敕房。裝爲小樓。以貯書籍。閣西制敕房。南面隙地。添造捲簾三間。以處各官書辦。而閣制始備。

可齋筆記。文淵閣在午門之內。迤東。文華殿南。磚城。凡十間。皆覆以黃瓦。西五間。中揭文淵閣牌。牌置紅。既。藏實錄副本。儘前楹設檯。東西坐。餘五間。皆後列書。隔前楹爲退休所。李公令人移紅。置壁後。欲設公座。子曰。不可。殿閣皆至尊所御。止可侍坐。以備顧問。無正坐理。踰數日。上送范銅飾金孔子并四配像一龕來。置於中間。又送聖賢畫像來。懸於龕後壁上。

玉堂漫筆。王文端直題梁用之詩後。謂內閣在東角門內。常人所不能到。其外爲文淵閣。則翰林諸公所處也。今內閣傍文淵閣。而不在東角門之內。諸學士所處。則在左順門之南廊。而傍爲東閣云。

世廟識餘錄。成化間。中書與閣下如同僚然。投刺俱平交。蓋一堂共處。今之西房。卽文淵閣也。閣臣居中。中書居東西兩房。各辦其事。已撤內庫十間。以西五間居閣下。謂之文淵閣。以東五間藏書籍。而東房中書亦遷居之。故今以閣下稱中堂。而東西非房矣。

瑣綴錄。永樂初。選翰林文學之臣六七十人。直文淵閣。參典機務。詔冊制誥皆屬之。而謄副繕正則中書分直。更入事竣輒出。

國史唯疑翰林舊選學士六七十人。直內閣。掌誥敕。居閣之東。號東誥敕房。以閣西小房處。中書能繕寫者。爲西制敕房。諸學士晨興。閣老會食。吳寬以司制久。雖不相。例稱閣老。蘇郡閣老坊見存。嘉靖中罷。今爲中書官供事之所。

孝宗實錄。宏治九年三月。大學士徐溥。以內閣書籍浩繁。請以翰林待詔潘辰。管典籍事。仍乞命吏部於教官內。選除典籍一員。與之共事。從之。因以河南息縣教諭夏賚。爲翰林院典籍。

世宗實錄。初。永樂大典書成。貯之文樓。三殿災。上命出之。不毀。嘉靖四十一年。選善書人禮部儒士程道南等百人。重錄一部。命高拱。張居正等校理。

東湖先生集。中祕書在文淵閣之署。約二萬餘部。近百萬卷。刻本十三。抄本十七。閣凡五楹。宣廟常幸其地。與閣臣緝閱咨詢。故史臣不得中立設坐。

五雜俎。內府藏書十九。皆宋板。書皆倒摺。四周外向。竹垞云。文淵閣藏書。合宋金元所儲。若永樂大典多至二萬二千九百三十七卷。皆藏諸臬史。甲申之變。散佚轉多。

憶記歸極門

今日昭德門左右角門也。乃太和門之右曰貞度。

之南廊一間。坐東向西。額曰東閣。經筵日講退講官至此揖。光祿寺

官奉茶而別。

玉光劍氣集歸極門在皇極門

今日太和門。

之東。凡京官上下接本。俱於此處。南入爲內閣。輔臣票本地也。宣

廟賜有文淵閣印一顆。凡封進票本揭帖聖諭敕稿。用此鈐之。萬曆中。爲人開內閣鎖盜去。上命補鑄賜之。

震澤長語文淵閣在奉天門

太和門舊名。

東廡之東。文華殿之前。對皇城。深嚴禁密。百官莫敢望焉。吏人無敢

至其地。閣中趨侍使令。惟廚役耳。

今閣中是諱曰火房。猶舊廚役之名。

禁密文書一小匣。在几上。鑰之而不合。大學士暮出。

鑰其門。匙懸門上。恐禁中不時有宣索也。

烈皇小識東閣五間。夾爲前後十間。前中一間。供先聖位。爲諸輔臣分本公敍之所。閣輔第四員以下。則

居後房。雖白晝亦秉燭。票擬薛韓城當國。特鑿一牖。復開門。構數椽以延日色。

觀此。則文淵閣又即名東閣。而憶記所云東閣在歸極門之南。

廊一間。坐東向西者何也。

石淙稿中書舍人每朝會。則與翰林史官上殿。東西班侍立。東宮朝賀。文華殿導駕侍班。其初本與翰林

宮坊六科同爲侍從之臣。諸司無相並者。

西垣筆記。明制各寶皆內尚寶。監女官掌之。遇用寶。則尚寶司以揭帖赴尚寶監。尚寶監請旨。然後赴內

司領取。

留青日札。宣德幸文淵閣。命於閣右築石臺。植澹紅芍藥一本。景泰初。增植二本。左純白。右深紅。雙槐歲抄。天順改元。徐有貞。薛瑄。許彬。李賢。同爲學士。旣而三人去。惟賢獨留。而彭時等八人相繼同升。盛開八花。賢賦詩十章。閣院官僚咸和。彙成曰玉堂賞花詩集。

寓園雜記。嘉定宣嗣宗爲中書舍人。宣宗幸內閣。以銀錢撒地。令諸從官競取。嗣宗俟諸臣取畢。徐拾一文。

曹家駒說夢。明朝中書舍人之途有三。一曰進士中書科。優閑無事。惟需次擢清華而已。一曰兩殿中書舍人。文華武英也。專供大內書畫之事。撥納有定例。朝上貨而夕拜官。取徑甚捷。但與中涓爲伍。士流恥爲之。一曰內閣中書舍人。卽制敕房誥敕房也。以其爲閣臣左右之人。故人樂趨焉。內有撰文四員。必以進士舉人選入。又每房設掌房一員。積資加服。俸至太僕寺少卿。開棍乘轎。儼然京卿。

池北偶談。明會典。議謚俱禮部行翰林院議奏請旨。又本部行吏兵二部備查實蹟。定爲上中下三等。以行業俱優者爲上。行實頗可者爲中。行實無取者爲下。開送翰林院擬謚請旨。本朝則歸之內閣。司之典籍云。

按本朝蒙賜謚大臣。沿明制。由翰林出身者。上一字皆文。大學士則皆文。其行業灼然在人耳目。禮部文到。典籍先擬數名。白中堂。中堂擇四名。以請旨。鳳毛任典籍四年。自揣職卑事大。必與漢同僚。

洎學士議而白中堂也。

香祖筆記京官舊例各衙門稱謂有一定儀注不可挪移如翰詹稱老先生吏部稱選君印君員外以下稱長官科稱掌科道稱道長是也自康熙丙子祭告回京聞見頓異各部司及中行評博無不稱老先生者矣此亦觚不觚之一也。

按自雍正年間三品以上俱稱大人而老先生止稱於四品以下至小京官外任道府由部員翰林出同知由中書舍人出者俱如舊稱近見京僚稱佐雜流外亦老先生此又觚不觚之尤甚者矣。居易錄明初選進士爲庶吉士分置近侍諸署若解縉爲中書庶吉士是也右見菽園雜記予池北偶談嘗記六科庶吉士初未詳官制如何觀此乃曉然蓋中書六科皆近侍也。

按中書科在六科之上向爲七品衙門至今署中規制與六科無異然明朝知推行取不得科道而得中行評博必愷雍正間升科道爲五品又以道升科與中書科之卑抗愈相懸矣。

居易錄崇禎元年輔臣李文敏公國楷請章奏做古貼黃之法撮節要粘元本以進至今因之。

按今制通本有貼黃若奏摺不用帖黃部本第於該臣等看得前虛一行耳考貼黃者貼黃綾一小方於表文之前上書某表一通至今正表因之卽道士上章式也以撮要爲貼黃者乃別貼一紙於本末不用黃也。

周禮內史掌王之八柄之法以詔王治內史掌書王命遂貳之又書其副外史掌書外令王命頒於列國者掌四方之

志。邦國志也。三皇五帝之書。掌達書於四方。若以書使於四方。則書其令。王命宣諭諸侯。按內外史如今中書舍人典籍之職。